

# *ZINTU EZYO ZYEELEDE KUBA*

 Ku Mukwesu Boone a mbunga, eci ncoolwe cipati ii—ii ncobeni kuli ndime kujoka mu San Bernardino alimwi. Obu busena bujisi ziibalusyo zinji zipati zya mazuba akainda. A kumvwa oko, kuswaya okuno, alimwi kakucili koongelezya kupona, baa, cikubamba kulimvwa kubotelwa ncobeni kuti Mwami waka tusololela mu nzila eyi, myaka yakainda.

<sup>2</sup> Nda kali kkede buyo alya mu cibela ca kubikkila myootokala, buyo lino, kusola kuyeeya cimwi ca zintu zya kacitika. Kwakali Muka. Isaacson wakali sikupandulula wangu mu Finland, ku miswaangano yanguzu yaku Finnish, elyo waa kaboola ku mootokala cindi ni Nda kali kuzwa buyo. Elyo waa kati, “Jwi lyako lya Finland.” Elyo Nda libuzya buyo ikuti na Muka. Isaacson ukkala kubusena okuno. Nse zyi. Inga nata citika kubako sunumasiku, Nda yeeyela na? Muka. May Isaacson, alimwi uzwa ku Finland.

<sup>3</sup> Mpawo cintu cimbi cibotu kapati cakaleta ku lwiibaluko lwangu, wakali sikukutauka muniini mu resistanti oko Nkwe kalida, amwi munsi, bakwiita kuti Antlers Hotel. Nda syoma mbo mbubo, lino. Elyo mulindu muniini waka jisi . . . Nda kali kukomba a nguwe. Waa kajisi . . . Waa, mulindu muniini mubotu, pele takali Munakristo. Nda kamutamba ku muswaangano. Alimwi waa ka sweenkeledwe muvwanda, alimwi Ndi syoma kuti amulumi wakwe, ba kakapambukana. Elyo twa kali kukomba kuti kakonzya kubambilula a mulumi wakwe, na kaba bambula, antoomwe. Aboobo, Nda libuzya buyo ikuti na oyo mulindu muniini inga kaliko lino. Mwabona? I . . .

<sup>4</sup> Elyo mpawo kucitika kumbi kwakaba, wakali muvwanda muniini oyo wakaletwa kuzwa kubusena bumwi, kutandila kweenzya kwa buzuba bonse. Elyo wa kalifwide, alimwi wakali lede mu maboko aa banyina. Elyo waka josegwa ku buumi. Sa oyo . . . Sa oyo mutumbu wakaliko okuno? Elyo caka boola, Nda syoma, kuzwa kuciimo kuya mu nzila *eyi*, koonse, kwakali aatala awa. Elyo mutumbu muniini wa kweenzya busiku boonse, a bawisi, a banyina baniini kaba kkede alya, cakuusa, kabajatilide muvwanda wabo, muniini wakafwide. Elyo Nda kayeeya, “Lusyomo luli boobo!” Ikuti ni Nda kali sikuupaupa mupati loko mu nyika, Leza wakeelede kalemeka lusyomo olo lwa banyina.

Nkejisi muvwanda muniini mu maanza angu, mbuli *boobo*, nkekomba. Waka kasaala, waka talika kuputa, kajula meso akwe maniini. Nda ka mujosya kuli banyina. Aboobo, bakali kuzwa kubusena bumwi. Nse yeeyi kuti bakali ba Pentekoste, nekuba. Ba kali buyo . . . Nda syoma yakali mbungano buyo imwi, kuti

kuzwa . . . Ta ndizi akwalo ikuti na bakali Banakristo, na pe. Nse kaba buzya. Nda kaboteledwe loko kujatikizya muvwanda muniini mukujosegwa ku buumi.

Kuzwida eelyo, Mukwesu Boone, maanzi manji aka selemukila ku mulonga. Pele tu cibelekela Leza nguonya Oyo ucili mbobuca nguwenya, sunu, amuya myaaka.

<sup>5</sup> Kulanga buyo koonse, kubona Mukwesu Leroy Kopp kakkede awa. Nciindi citaanzu Ne mubona kwa ciindi cilamfu. [Ii mukwesu waamba, “Ngu Paul Kopp awa.”—Mul.] Paul. Mbo mbubo. Leroy ngu uso. Mbo mbubo. [“Elyo uli—uli mu Russia, sunumasiku, aboobo amu mukombele.”] Oh, ma! Russia. Ee, nkokuti, Ndi lizi, oyu silumamba sicamba okuya, nkiali okuya mu mulimo wa Mwaami. [“Mbubo.”] Aboobo, Ndili kkomene ncobeni kuba kokuno a kumvwa mukutausi oyu mukubusyi kaamba kuti wakananikwa ku mulimo oyo ngo twa kajisi kuciindi nitwa kali okuno. Kuboteleya kupati kuli boobo!

Elyo Ndila syoma lino, kuti, mukuziba kuti tu jisi . . . Bantu baliimvwi, nkabela ta tuko mujata kwa ciindi cilamfu. Tula iyeyya miswaangano eyo mipati ya kuponya.

<sup>6</sup> Mpawo, Ndi mvwa kuti kuli ii—ii—ii mukwesu okuno mu busena bweengelede, aa busenabumwi, ujisi muswaangano wanguzu iwa kuponya, Mukwesu Leroy Jenkins. Nda syoma mbo mbubo. Elyo aboobo Ndili lumbide loko, kusyoma kuti Mwami uli muku mulongezya a kumupa kuswaangana, kubotu. Ci . . .

Ma, Nda limvwa kulemekwa ncobeni, sunumasiku, kuboola mu mbungano mbuli eyi. Ndi limvwa kabotu lyoonse mu mbungano kwiinda Mbwe cita mu auditoriamu ayo. Kuli, lino, taakwe kulwana auditoriamu. Pele, nywebo mulizi, Ndi . . . Inga aba malweza, na Ndi buyo . . . Kuboneka kuli ndime mbuli bwini. Mwabona? Ba . . . Wa njila mu auditoriamu ayo oko kuli kulwana, misobano ya lesiling’i, akudana kwa kulemba, zintuzyonse zimbi kazicitika, myuuya mibi iboneka kujatilila ku masena ayo. Lino, eco inga caboneka kuba malweza, pele tacili boobo. Pele cindi waboola mu mbungano, nywebo . . . kanji, mbunga ya kumuuya ncobeni, ilibonya mbuli, nko kuti, uli—uli mvwa bulubus loko, mbuli kuti kuli—kuli cintucimwi. I Busyu bwa Leza nkobuli. Nywebo mulizi, ciboneka kuba candeeene. Ta ndizi nguzu buyake nco bujisi, pele nkooko bantu nkoba bungana. Mubwini, bantu mbabonya bali ku busena bumbi, pele aa masena ayo mabi. Ndiza ndime buyo uyeeya munzila eyo. Pele, nekuba, Ndili kkomene kuba kokuno sunumasiku.

<sup>7</sup> Elyo lino ta tuyandi kumujata kwa ciindi cilamfu, nkaambo ka bbunga liimvwi. Elyo tuyo unka, juunza masiku, ku busena bumwi bumbi awa. Ta ndizi akwalo awo mpo bubede. Buli munsi awa. [Ii mukwesu waamba, “Orange Show Auditorium.”—Mul.] Kuli? [“Orange Show Auditorium.”] Orange Show Auditorium, ku miswaangano juunza masiku. Ndi . . . Oku kuli akati, Ndi

kanana lweendo lwa i—i lwa nkamu ya Bantu Basimakwebo Bamakanimabotu Aazwide. Kwalo, Nda kajisi coolwe ca kukambauka ku inyika yoonse, kuli mbabo. Elyo aboobo omuya, mweenzuma uyandwa loko wakatu tamba okuno, alimwi tuli kkomene kuba mu mbunga sunumasiku.

<sup>8</sup> Lino, katutana kujula Bbaibbele... Lino, kufumbwa muntu ujisi nsana zya kunyama inga wa Li jula mu ciyanza *eci*. Mwabona? Pele citola Muuya Uusalala kujula Ijwi kuli ndiswe, kujula kumvwisya kwesu a kuyubununa Magwalo. Nda syoma mu Bbaibbele. Nda syoma kuti Ndi Ijwi lya Leza. Alimwi Ndila syoma kuti nyika, na bantu ba inyika, bayo betekwa buzuba bumwi kwiinda ku Ijwi eli. Lino, eco inga caboneka bweenzu. Lino, kuli lwandaano lunji ku muzeezo oyo.

<sup>9</sup> Nda kali kwaambaula ku mweenzuma wangu usyomeka loko, kutali ciindi cilamfu cainda, uli ngwa Katolika. Elyo wa kati, "Leza uyo beteka inyika kubelesya mbungano ya Katolika." Ikuti na eco cili boobo, njili mbungano ya Katolika? Mwabona? Aboobo, ikuti na Wa ibetesya ku Methodisti, mpawo ino kujatikizya Baptisti? Mwabona? Ikuti na Wa ibetesya kwiinda kuli imwi, imwi umbi ili sweekede. Aboobo, kuli lupyopyongano lunji loko awo.

Pele tweede kuunka kuli Ndilyo, kujana kaambo kesu—kesu ka bwini, alimwi Bbaibbele lyaamba kuti Leza uyo beteka inyika kwiinda kuli Jesu Kristo. Elyo Walo ndi Ijwi. Musalali Johane 1, "Ku matalikilo kwakali Ijwi, alimwi Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mibili wabuntu, a kukkanla aakati kesu." Elyo ba Hebrayo 13:8 yakati, "Ngu mbobuca nguwenya, sunu, amuya myaaka." Elyo Nda syoma obo kuba Bwini. Lino, Nda syoma kuti mu...

<sup>10</sup> Leza, ku matalikilo, mukuba Leza mupatikampatila; Ula gola a...na mupatikampatila, mubwini. Tula gola. Mizeezo yakwe mipati loko, elyo swebo, mu mizeezo yesu misyoonto iigola, tatukonzyi kubumvwisya busongo Bwakwe, bupati butagoli. Pele nkikaako, ciindi Na kanana cintu cili coonse, inga caboneka bweenzu loko kuli ndiswe, ku Mu mvwa kaamba cintu cimwi mu Lugwalo, pele ceelede kucitika. Nda syoma kuti Majwi Aakwe ta kalobi. Aboobo, Nda syoma kuti Leza, mukuziba kuti tuli mu mizeezo yesu misyoonto iigola takali kukonzya kupandulula muzeezo Wakwe—Wakwe mupati, Ula lipandulula Ijwi Lyakwe Mwini. Ta yandikani sikupandulula uli oonse. Ula lipandulula Ijwi Lyakwe Mwini, kwiinda ku kusimpikizya Ijwi eelyo mu ciindi Calyo ceelede.

<sup>11</sup> Nda syoma kuti, Leza, ku matalikilo, kuti Nowa wakali Ijwi lya buzuba obo, ku Mulumbe Wakwe.

Lino, ambali kwakasika, kumane boobo, kwakasika Musa. Lino, Musa nata kakonzya kubweza Ijwi lya Nowa. Ta kakonzya kuyaka bwaato a kubaimpausya kuzwa mu Egepita, kuselemuka

Mulonga Nile, na kuyaku nyika ya cisyomezyo, na zimwi zimbi. Mulumbe wakwe tii wakabeleka mu buzuba bwa Nowa; eco cakali cibeele ca Ijwi lya Leza eelyo lyaka simpikizigwa kuba Bwini kwiinda kuli Musa.

Akwalo Jesu nata kakonzya kuba a Ijwi lya Musa. Elyo i... Luther nata kakonzya kujatilila ku Ijwi lya mbungano ya Katolika. Wesley, ta kakonzya kujatilila Ijwi lya Luther. Elyo ba Pentekoste, tiiba kakonzya kubweza Ijwi lya Methodisti. Ba... Mwabona?

I Mbungano ili mukukomena. Bukkalo abumwi, buli bikkidwe mu Lugwalo awa. Aboobo, Leza, kwiinda mu Muuya Uusalala, ulayubununa Ijwi Lyakwe, kwiinda muku Li yubununa a ku Li simpikizya, Mwini, kutondezya kuti Ndi Ijwi Lyakwe kali letwa kucitika mu buzuba obo Mbo lyaka syomezegwa.

<sup>12</sup> Jesu wakaamba boobo. Wa kat, “Ikuti na tamu konzyi ku Ndi syoma, amusyome milimo eyo Nje cita,” nkambo ilungulula Obo Mbwa kabede, mwabona, ikuti na umwi kuti umwi na kali luzi Lugwalo.

Lino, Wa kaboola cakugambya loko, cabweenzu loko, cakuti bantu teeba kali kuyanda ku Mu syoma, nkaambo, “Walo, mukuba Muntu, wakali kulibamba Leza Mwini.”

Aboobo, Wa kali Leza, mu ciimo. “Leza wakali muli Kristo, kayanzanya inyika kuli Lwakwe.”

“Elyo taakwe muntu ukonzya kucita milimo eyi kakutakwe Leza kuba a nguwe,” mbuli mbo tuzi Nikodemo wa kaamba obo. Kuti, ba Sanhedrini ba kasyoma obo.

<sup>13</sup> Lino, tu lizi kuti, eelyo Ijwi... Ikuti noba kali lizi Ijwi! Wa kat, “Ikuti nomwa kamuziba Musa, nomwa ka Ndi ziba, nkaambo Musa wakalemba kwa Ndime.” Elyo tula langa. Ikuti ni bakali jokede mu Lugwalo, kubona eco Mesiya nca keelede kucita, mpawo nibaka Mu ziba kwiinda ku kusimpikizigwa, kuti, “Leza, muli Kristo, wakali kuyanzanisya inyika kuli Lwakwe,” a kuzwidilizya zisyomezyo zyoonse zyakali zya Mesiya, ezyo Nzya keelede kucita. Jesu wakapa bulunguluzi bwa Ijwi eelyo, kubamba Ijwi eelyo kupona ku buzuba obo.

<sup>14</sup> Elyo Nda syoma eco nee cintu nciconya neo tu ponamo sunu: Leza kapa bulunguluzi bwa Ijwi Lyakwe, ku kusimpikizya eco Nca kaamba kuti Uyo cita. Lino, tu lizi kuti obu mbuzuba bwa lufutuko, oko Leza nkwaita bantu kuzwa ku inyika, kuzwa ku buumi bwa cibi, kuya ku buumi bwa mulimo. Elyo mu buzuba obo Leza mbwa katila Muuya Wakwe kuzwa Kujulu, zitondezyo a zigambyo zipati zyeelede kuba a mulimo wa buzuba obuno. Eci i... cindi mvula ntaanzi a ncaalizi noziili mukuwa, antoomwe. Elyo tu lizi kuti kweelede kuba zitondezyo a zigambyo zipati. Kwalo, mu tubungwe tunji tupati, Eci ca kakwa.

Pele Ndili lumbide kapati ku milyango eyi iijukide eyo Nje kajisi, ya kunjila, a bunanike bwaka pegwa ku baalumi bakubusyi mbuli mweembeli wanu okuno. Obo bwaka bacitya... Mboli mbo Ndi talika kucumbaala, a kuziba kuti mazuba angu aceya, a kuziba lino kuti aba baalumi bakubusyi inga babweza Mulumbe oyu a Ku ufumpa ku Kuboola kwa Mwami, ikuti na Ta booli mu nzyalani yangu. Kwalo, Ndi langila ku Mu bona. Nda Mu langila mazuba oonse, amulangilile, kulibambilila lwangu ku oora eelyo.

<sup>15</sup> Lino atu kanane kuli Mukamwini katutana kubala Bbuku Lyakwe, mbuli mbo tukotamika mitwe yesu.

Taata Wakujulu, tuli lumbide kuli Nduwe, kuba baumi sunumasiku, kubweeda ku dolopo eli pati. Nkekkekde awa mu buboneki obu bwabusena awa bwa malundu, kulanga atala a kubona caanda, amalubaluba manji a orenji kaasyuuka, ku ciindi comwe, ini ni inyika mbotu loko Njo katupa kuponena mo! Elyo obo mbo tubona muntu oyo waka nyonganya a—a kucitaula mu inyika eyi, citubamba kuusa nsoni kuli lwesu, Taata.

Tuli waano, sunumasiku, kusola kubikka kusoleka kwesu, kusola kucitya bantu kubona cintu eci cipati eco Leza nca kacita, a kuziba kuti kuli cintucimwi cipati maningi ciindilila ncobeni. Akube kuti tulange kuli ceeco, sunumasiku, Taata, mbuli mbo tu jula mu Ijwi Lyako a kubala. Inga twa Li bala, Taata, pele lekela Muuya Uusalala u Li yubunune kuli ndiswe kwiinda mu ciyubunuzyo. Nkambo twa cilomba mu Zina lyu Jesu. Ameni.

<sup>16</sup> Lino, nywebo nomuyanda antela kulemba bulembu, a—a kubala Lugwalo a mukutausi, mbuli—mbuli kanji mbo bala Li bala. Elyo cakali kuba, cindi Ne... myaka yakainda, Nse kali kulemba Magwalo angu, abumwi bumbi. Pele Nda cembaala aniini kuzwa eelyo. Mwabona? Nda kazwaa kwiinda myaka ili makumi obilo ayosanwe, calino buyo, makumi obilo ayosanwe yakainda. Aboobo, cicibamba bubi aniini. Pele Ndi cisola kujatilila ku zintuzyonse Nze zyi kucita mu Ijwi Lyakwe, kusikila Aka ndiite.

<sup>17</sup> Lino, atu jule ku Musalali Johane capita 14, Lugwalo luzizilwe loko olo ndo tu yanda kubala sunumasiku, ku kujana kuzwa kuli Ceece ciiyo, na Mwami wayanda. Boonse bunji babo balizi eci. Ci boneka kuba, ziindi zinji, cila belesegwa mu miswaangano ya madilwe. Na kwasola kuba ciindi eco Nce yanda kukambauka mulimo wa madilwe, inga caba ku inyika eyi. Kwi ilekela kufwa a kuzyalululwa. Musalali Johane 14:1 kwiinda mu 7, Nda syoma, Nda engela awa.

*Myoyo yanu itapengi:* ikuti na mwa kasyoma *muli Leza, amu syome amwalo muli ndime.*

*Mu ng'anda ya Taata kuli makkalilo manji:... nikwa tali boobo, ni Nda mwaambila. Nda unka akuyo mubambila busena.*

*Elyo ikuti na Nda unka akuyo mubambila busena, Ndiyo boola alubo, kuzo mutambula kuli lwangu; kuti oko Nkwe bede, a nywebo mukabeko.*

. . . oko Nkwe unka muli kuzi, a nzila yalo mulizzi.

*Tomaso wakati kuli nguwe, Mwami, tu lizi . . . oko nko unka; alimwi mbobuti mbo tukonzya kuziba nzila?*

*Jesu wakati kuli nguwe, Ndime nzila, bwini, a buumi: taakwe muntu uboola kuli Taata, pele wiinda kuli ndime.*

*Ikuti ni mwa ka ndiziba, nywebo mwa keelede kumu ziba Taata wangu awalo: elyo kuzwida eno muli muzyi, a ku mubona.*

Akube kuti Mwami ayungizye zilongezyo Zyakwe ku kubala Ijwi Lyakwe. Elyo tuyó tondeka kuli Ndílyo alubo, mu ziindi mbuli mbo tu zumanana, kuciindi notu yanda buyo kukanana ciyo ciniini ku Mbungano.

<sup>18</sup> Mangolezya ainda, Nda kali mu Yuma, Arizona, oko, muunzi wangu lino. Ndi—Ndi . . . Cindi Ne kali okuno Nke tana kkala mu Jeffersonville, Indiana. Lino Nda kali mu Arizona, kwiinda ku cilengaano kandi tumina okuya, myaka misyoonto yaında. Elyo tu kkala okuya lino. Nse jisi mbungano imwi okuya.

Mukwesu Green, mukwesu wesu okuno ula ndiswe, wakayaka cikombelo oko i . . . umwi wa Assembilisi ya Leza, mbungno ili ku musika pati wa dolopo, ya Assemblisi. Ba kasangana, alimwi Ndi yeeya kuti boonse bakanjila a Mukwesu Brock a Mukwesu Gilmore, kasiya mbungano eyi kaijukide. Elyo Mukwesu Pearry Green, uuzwa—uzwa ku Texas, kanjila a kubweza busena, oyo uswaangene a ndiswe. Tuli kondedwe kuziba kuti—kuti Mukwesu Green wakaijula alimwi mbungano eyi yaka jalidwe.

<sup>19</sup> Elyo busiku bwainda, nkekanagan mu Yuma ku Bantu Basimakwebo Banakristo, Nda kakanana aa ciyo ca *I Kukwempwa*. Lino, eco inga caba ciyo ceenzu ku kanana akati, ku ii—ii cipobwe, pele bunji bwa boonse bakali Banakristo. Elyo nje nzila mboibede mu miswaangano eyi mipati mbuli oyu, na mu—mu mbungano. Nda konzya kwaamba lino, “Mbangaye banu Banakristo?” Antela janza lyoonse inga lyaunka mujulu. Uli Munakristo. Elyo aboobo, ikuti na tuli Banakristo, Ndi yeeya kuti tweelede kuzibisigwa kabotu aambele. Ta tweelede kuyeyelia buyo kuli ncico. Tula zibisigwa obo nkotuya mbo kuyooba.

<sup>20</sup> Elyo Ndi yanda kukanana ali ceeco sunumasiku. Elyo ciyo cilaba cakuti: *Zintu Ezyo Zyelede Kuba*. Elyo lino, kukanana masiku ainda aa *I Kukwempwa*, mbubonya sunumasiku, Ndi yanda kukanana aa ciyo eci, kutegwa Ndi konzye ku ciswaanganya antoomwe a Mulumbe wa masiku ainda. Lino,

kuyooba Kukwempwa, tu lizi obo. Oko nku ciindi ciciza, ku yooba.

<sup>21</sup> Lino, Jesu awa ulakanana, kujatikizya, Wa kaunka kumbele kuya kutubambilila busena bwesu. “Myoyo yanu itapengi.” Lino, Wa kali kwaambaula kuba Juda. Kati, “Lino, mwa kasyoma muli Leza, amusyome muli Ndime amwalo. Mbili mbo mwa kasyoma muli Leza, amusyome muli Ndime, nkaambo Ndili Mwana wa Leza.” Mwabona? “Elyo, Leza,” mu majwi amwi, “Mebo a Taata Wangu tuli Bomwe. Taata Wangu ukkala muli Ndime. Elyo eco nco mubona kucitwa, Nceli mukucita, nseli Ndime, ngu Taata Wangu oyo ukkala muli Ndime. Ngu icita milimo.”

“Leza wakali muli Kristo, kayanzanya inyika kuli Lwakwe.”

<sup>22</sup> Cakali citete kuli baabo ba Juda baka yiisigwa, kwiinda mu mazyalani, ku syoma kuti kwakali Leza mupati wiindakugambya. Pele kuyeeya kuti Leza wakaseluka alimwi wakali kulitondezya Mwini kwiinda mucimo ca muntu wa Mwana Wakwe, Jesu Kristo, Leza wakaba mu mubili wanyama, eco cakaindila aniini kuli mbabo ku—ku mvwisya.

Pele Wa kati, “Lino, mbili mbo mwa kasyoma muli Leza, amu syome akwalo muli Ndime. Nkambo mu ng’anda ya Taata Wangu kuli makkalilo manji, elyo Nda unka kuyo mubambilila busena.” Buumi bwa Jesu bwakali kulibambilila kugola, ano aa nyika.

Wa katondezya bantu, a kuzibya kuli mbabo, kuti Wa kali Jehova waka yubululwa mu mubili wabuntu, kwiinda ku zitondezyo a zigambyo zipati, a kutondeka kwa Bbaibbele oko Nkwa katondeka, kuli Lwakwe. Elyo Wa katondezya kuti Wa kali Leza, wakayubululwa.

Lino Wa kati, “Cindi wabona buumi Bwangu kabugola, buli mukugola ku bukanze. Elyo Ndi inka biya, kuyo mubambilila busena; kuti oko Nkwe bede, a nywebo mukabeko.” Jesu nkikaako waambilila basikwiya Bakwe kuti obu buumi tabuna mana mu lufu.

<sup>23</sup> Lino, kwaamba kuti eci cakali cibalo ca dilwe. Amuyeeye, swebo, lufu luli kkede nkoonya kumbele lyesu, alimwi ta tuzi naa inga kwaba bamwi mu buyake obu sunumasiku bata kozwa awa kabali muumi, mu buumi obu bwakunyama. Obo mbo cita mvwisigwi. Maminiti osanwe kuzwa lino, inga baba bantu abo baniini, banseba mbotu, bakubusyi mu buyake obu banga baba mitunta mu maminiti osanwe kuzwa lino. Obo mbwini. Elyo alubo, inga caba, mu maminiti osanwe kuzwa lino, inga toonse twaba mu Bulemu. Ta tuzi ncobeni. Oko kuli mu maanza aa Leza. Jesu wakati Ta kazi, Mwini, cindi eco nicakali kuyooba, pele, “Eco cakali mu maanza aa Taata alikke.”

<sup>24</sup> Lino, pele, Wa kali kubaambilila, kuti, kwamana lufu kuli buumi. Nkaambo, “Nda unka akuyo bamba busena,” nkokuti, ku

batambula, kutondezya kuti kuli, Wa kali kukanana kuli mbabo, kuti kwakali ii—ii buumi kwamana buumi buumi obu. Elyo ino nkuumbulizigwa kweelede kupegwa kuli ndiswe toonse, kuziba kuti, buumi obu bwamana, kuli buumi, obo mbo tunjila. Elyo mbuli mbo cembaala, eco ciba kasimpe kuli nduwe. Mbuli mbo mutualika kubona mazuba a buumi bwanu kaaswena, mpawo kutali ku, mutualiaka kuswena munsi loko, ku kulibambilila kukucitika oko kupati. Ngu eno . . . Nku zumanana kwa buumi obu mbubonya mu nyika iimbi, busena bumbi.

<sup>25</sup> Kuzyalwa kwako awa kwa kali kanzidwe kale. Ndi yeeyela kuti mula syoma obo. Umwi aumwi wanu ulizi kuti kuzyalwa kwesu kwa kali kanzidwe kale. Sena mwakalizi kuti kuba kwanu okuno tii cakwa talikila ku kaano kabuyo na muyeeyo? Zintuzyonse zyakali kanzidwe kale a Leza, kuzwa ku malengelo aa inyika, kuti myua kuba kookuno. I Leza mupatikampatila wakalizi. Alimwi ku kuba—ku kuba mupatikampatila, Wa kacita kuziba ntabwa aimwi eyo yakali kuyooba mu nyika lyonse, a kuvula kwa ziindi mboiya kufwinya liso lyayo. Obo mbupatikampatila. Mwabona? Yebo, mizeeo yesu—yalo yesu miniini, taikonzyi kumvwisya eco ca *mupatikampatila* nco caamba. I Leza mupatikampatila, Wa kalizi zintu zyoonse. Nkikaako, taakwe cintu cizwide mu bweende bululeme.

<sup>26</sup> Ikuti na tu lilizi Ijwi lya Leza, tu lizi awo mpo tupona. Tu lizi oora ndyo tuponamo. Tu lizi eco cilede kumbele. Tula bona omo mo twa kainda. Alimwi Bbuku lya Leza nciyubunuzyo ca Jesu Kristo; Milimo yakwe kwiinda mu makkalo, eyo yakaba ku Bbuku lya Ciyubunuzyo, elyo mpawo zisyomezyo Zyakwe ezyo zyeelede kuboola. Aboobo, zyoonse zisyomezyo Zyakwe nzya bwini. Leza takonzyi kukanana Ijwi lili lyoonse kakutakwe Kuli simpikizya. Ijwi lyoonse Ndya amba lyeelede kicitika. Kuzwa ku malengelo aa inyika . . .

<sup>27</sup> Bantu bamwi balaa nyonganya Matalikilo, okuya, cindi na kati, “Leza ulaliloolola Mwini.” Peepe. Buyo, to mwisyi. Mwabona?

Leza, ku matalikilo, Wa kati, “A kube. A kube. A kube.” I inyika yakali kusiya buyo, mu lupyopyongano. Akwalo cindi Na kati, “A kube mumuni,” antela kwakali myaanda ya myaka iya mumuni kautana sola kusonsa mukati. Pele cindi Na ka caamba, ca keelede kicitika. Ca kelede kuba munzila eyo. Mwabona? Elyo Wa kaamba Ijwi Lyakwe. Zyalo mbuto zyakali kunsi lya maanzi. Cindi Na kayumika nyika, mpawo imbuto zya kayutuka. Eco Nca amba ceelede kicitika.

<sup>28</sup> Wa kaamba, kwiinda mu basinsimi. Nda katondeka kuli ncico mangolezya ainda. Mbuli, tu bweza Isaya, wa kati, “Ii nakalindu uyo mita.” Nguni unga wayeeya, zya muntu oyo waka yeeyelwa kabotu akati ka bantu, kwaamba bbala lili boobo mbuli eelyo, “Ii nakalindu uyo mita”? Pele nkaambo wa . . .

Ii musinsimi nciboni ca Leza. Wa kabambwa boobo cakuti takonzyi kukanana majwi akwe eni. Aeledge kuba Majwi aa Leza ayo nga kanana. Uli buyo mbuli ciboni, alimwi walo mwiiminizi wa Leza.

Elyo aboobo, nkikaako, wa kati, “Ii nakalindu uyo mita.” Antela ta kakonzya ku cimvwisya, pele Leza waka caamba kwiinda muli nguwe. Nkaambo, Wa kasyomezya kuti, “Ta kaciti cintu kusikila Wa Ci yubununa ku balanda Bakwe basinsimi.” Mpawo, cindi na kaamba ceeco, yakali myaka ili myaanda ya lusele eco kacitana sola kucitika. Pele caka citika.

Kumalekelo, ayo Majwi aa Leza akasimpwa mwida lya nakalindu, nkabela waa kamita a kuzyala Emanueli. “Kuli ndiswe i—i Mwana wazyalwa, kuli ndiswe Mwanamulombe wa pegwa. Zina Lyakwe liyo tegwa, ‘I Sinkuta,’ ‘I Leza singuzu,’ ‘I Sibwami wa Luumuno,’ ‘I Taata uteeli.’” Eco ca keelede kuba munzila eyo, nkaambo Leza waka caamba kwiinda ku milomo ya basinsimi Bakwe. Elyo oonse Majwi aa Leza eelede kuzulizigwa.

Nkikaako, tu lizi kuti Jesu wakaunka kuyo bamba busena, bwa kutambwida bantu kuli Lwakwe. Obo bantu mbaani, Nda syoma cili tuli cibeela ca bantu abo sunumasiku. Ikuti na tacili obo, mweenzuma, Leza wakabamba nzila, ciimo, cakuti inga wa sanganisigwa muli ceeco ikuti na ula yanda. Uli mucimo cakulisalila cakucita. Inga walilemeka nzila njo yanda. Pele lino amubone, lino, mu inyika eyi iciboola. Kuli inyika iboola.

<sup>29</sup> Mboli buyo kuzyalwa kwako awa, Nda amba, wa kali bambidwe. Leza wakalizi kuti uya kuba kookuno.

Elyo lino nywebo mulizi, akwalo zintu ezyo bazyali banu nzoba kacita, lino, bantu bayeeya kuti eco taciswayigwi kuzwa ku nzyalani kuyaku nzyalani, pele cila cita.

<sup>30</sup> Omuya mu Bbuku lya Bahebrayo, Nda syoma, kutandila cipati 7, kukanana, Paulo alya, balembi, Nda syoma bakali mbabo, kali kukanana aa i—i kucitika kupati kwa kacitika a Abrahamu, kuti wa kapa kwakkumi kuli Melikisedeki, cindi na kali kubweeda kuzwa kukujaya mwaami. Elyo lino wa kaamba, kuti, “Levi wakali mu cikungu ca Abrahamu, cindi na kaswaana Melikisedeki, kazwa kukujaya bami.” Elyo mpawo wa kalanganya kuti “Levi wakapa kwakkumi, awalo, cindi na kali mu cikungu ca Abrahamu,” syanyinakulu wakwe mupati-mupati.

Elyo Ula swaya zibi zya bantu aa bana babo—babu, kuzwa ku nzyalani kuyaku nzyalani, abo bataka bambi Ijwi Lyakwe. Mwabona?

<sup>31</sup> Mwa kakanzidwe kale a Leza. Taakwe cicitika kucoolwe, kuli Leza. Uli zyi kujatikizya coonse. Konse kwa kakanzidwe kale ku nzyalani zinji kaindi, kuti kamukonzya kuba

kookuno sunumasiku. Sena mwakalizi obo? [Mbunga yaamba, “Ameni.”—Mul.]

Amuyeeeye buyo, kuti, nywebo, ku ciindi cimwi...Nda ciloolola eci. Nywebo, ku ciindi cimwi, mwakali muli bauso, mu jiini ya bauso. Lino, ta ka kuzi ku ciindi eco, akwalo tee mwakazi ku ciindi eco. Pele, nywebo mwabona, mpawo mwa kabikkwa mu busena bwa kuzyalila, mwida lya mutumbu, kwinda mu lukwatano lusalala. Elyo mpawo waba muntu wakatondezegwa mu cinkozya mbuli bauso, nkokuti kuli luswaanano.

<sup>32</sup> Lino, nzila biyo njo konzya kuba mwana mulombe, mwana musimbi wa Leza, nkaambo weelete kuba i...weelete kuba a Buumi Butamani. Elyo kuli biyo musyobo omwe wa Buumi Butamani, nkabela obo Mbuumi bwa Leza. Ciimo comwe biyo ca Buumi Butamani, oyo wakali Leza. Okuya, kuba mwana wa Leza, wa keelede kuba muli Nguwe lyoonse. I jiini ya Buumi bwako, Buumi bwa kumuuya, sunumasiku, bwakali muli Leza, Taata, kakutanaba akwalo molekyu. Mwabona? Elyo toli cintu pele kutondezegwa kwa jiini ya Buumi eyo yakali muli Leza, mbuli mwana wa Leza.

Lino watondezegwa, Ijwi Lyakwe lyamana kunjila muli nduwe, ku Kumwesya bukkalo obu, uli mukutondezya: Buumi bwa Leza muli nduwe, nkaambo uli mwana mulombe na mwanamusimbi iwa Leza. Nkikaako, mwamvwa eco Nce pandulula? [Mbunga yaamba, “Ameni.”—Mul.] Mwabona? Uli mu...Wa bambwa lino, uli kkede mu mbungano eyi, sunumasiku, nkaambo bulizi bwako bweelede kutondezya Leza ku cisi eci a bantu aba, a masena aya aengelede oko nko swaangane.

Kufumbwa nkobede, Leza wakalizi kuti uyooba kokuno, nkaambo weelete kuba imwi ya majiini Aakwe, na bube Bwakwe. Wa keelede kuba. Ikuti na wakasola, ikuti na ujis Buumi Butamani, nkokuti lyoonse Bwa kali Buumi Butamani. Elyo Leza, kuzwa ku malengelo, inyika, wakalizi kuti uyakuba kokuno. Elyo cindi Ijwi, na maanzi, “kusanzigwa kwa maanzi aa Ijwi” na kawida aali nduwe—nduwe, aka tondezegwa mu cilenge. Lino ujisi luswaanano a Bauso, Leza, mbuli buyo mbo jisi a bauso baansi. Wabona? Muli basicisi nyina ba Mwaami; kutali basicisi, pele muli bana, bana balombe abasimbi iba Leza muumi, ikuti na kwaba kuti Buumi Butamani bukkala muli ndinywe.

Lino, mpawo, ikuti na Mbo kwaakabede, Jesu wakali buzule bwa Leza bwaka yubununwa. Wa kali buzule bwa Buleza camubili. Nkikaako, cindi Na kaboola ku nyika alimwi waka tondezegwa mu mubili wabantu, mwakali muli Nguwe kaindi, nkaambo Wa kali Ijwi. “Ku matalikilo kwakali Ijwi; Ijwi lyakali a Leza, alimwi Ijwi wakali Leza. Elyo Ijwi lyakaba mu mubili wabantu, a kukkala aakati kesu.” I Ijwi lyakaba mu mubili

wabantu. Nkikaako, wa keenda a Nguwe, cindi nokali muli Nguwe, cindi Na kali aa nyika. Wa kapenga a Nguwe, nkabela wa kafwa a Nguwe. Wa kazikkwa a Nguwe. Elyo lino mwa kabuka a Nguwe, bube bwaka yubununwa bwa Leza, kabukkede mu masena Aakujulu; bwakabuka kale, bwakabuka ku Buumi bupya, a kukkanala mu masena Aakujulu muli Kristo Jesu. Oh, eco caamba kunji loko, mazuba ano, Mbungano! Eco caamba kunji loko kuli ndiswe, kulibona tobeni kubikkwa mibusena muli Jesu Kristo!

<sup>33</sup> Lino, ikuti na tuli bube obo bwa Leza, ta tukonzyi kuponena kutuyanza twabuzumini. Ta tukonzyi kuponena kuli zyatubungwe. Twe elede kuponena ku Ijwi, nkaambo Nabwiinga ncibeela ca Sibwiinga, mbuli mukaintu uli oonse ncibeela ca mulumi wakwe. Nkikaako, tweelede kuba oyo Nabwiinga wa Ijwi. Elyo niinzi oyo Nabwiinga wa Ijwi? I luyubunuko lwa oora eli, Nabwiinga, kutali kayanza kabuzumini na kabungwe; pele lugwalo lupona ilwa Leza, bube bupona bwa Leza, kutondezya ku inyika bube bwa Leza, mu kubumbwa kwa Nabwiinga oyo weeledé kutondezegwa mu oora eli ndyo tupona lino.

<sup>34</sup> Martin Luther tako konzya kutondezyaa bube obo mbo tutondezya, nkaambo oko kwakali ku matalikilo, bubuke, mbuli bulotwe bwa whiiti obo bwaka njila mu nyika.

<sup>35</sup> Lino, tula balulula eci alubo. Antela mwa kalibala bbuku, oyo muna German kandi fubaazya, akuti Nda kali sikwiindilizya wa basikwiindilizya boonse. Wa kali—wa kali kulwana ncobeni zintuzyonse zya kaitwa kuti Leza, alimwi akwalo kufubaazya Leza. Kati, “Ii Leza wakali kukonzya kujula Lwizi Lusalala nkabela,” kati, “kagusya bantu Bakwe; a kukkanala a maanza Aakwe atala lya mwida Lyakwe, a kulekela (kwiinda mu makkalo aa musinze) boonse abo bantu kufwa a kupenga, abo bana baniini kuligwa ku balavu.”

<sup>36</sup> Nywebo mwabona, bubambe boonse—boonse, Mbungano yoonse, iyakidwe aa ciyubunuzyo ca Buleza. Jesu wakati, mu Musalali Matayo, cipati 16, “Bantu balya maila tiiba kuyubunwida ceeci, pele Taata Wangu oyo uuli ku July waciyubununa eci kuli nduwe.” Cakali cinzi? Ii ciyubunuzyo ca Oyo Mbwa kabede. “Elyo atala aa mwaala oyu, Njo yaka Mbungano Yangu, nkabela milyango ya gehena taikonzyi Kwi izunda.” Mwabona?

I ciyubunuzyo ca Jesu Kristo mu oora eli, kutali obo Mbwa kabede mu oora limbi, obo Mbwa bede lino, i Bbaibbele lila tondezya, cila komena muli Nabwiinga, ku ciimo cizwide. Nkikaako, ikuti na bulotwe bwa whiiti, bwa Kristo, bwa keelede kuwida mu bulongo, mbubonya Nabwiinga mbwa kacita kuwida mu bulongo, kwiinda mu makkalo aa musinze. Kufumbwa museke oyo uunka mu bulongo weeledé kufwa, nape tau konzyi kulizyala wini, kuli zyalulula wini. Elyo Mbungano mpati eyo

Nja kayaka aa Buzuba bwa Pentekoste, kwiinda kukutumwa kwa Muuya Uusalala, kacita kupenga cakufwida bukombi a kunjila muvu, mu nyika mu bukkalo bwa musinze, kuti izyale alubo mu bukkalo bwa Luther, a kuya buyutuka ku ciimo cizwide ca Nabwiinga wa Jesu Kristo wa buzuba obu bwa mamanino. Mwabona? Kwiina nzila . . .

<sup>37</sup> Nkikaako, Nabwiinga, mu Kukwempwa, uyo yutuka. Elyo kuli zyoonse zya kakanzwa kale aa Leza, zyoonse zyakaimininwa. Kuzwa ku matalikilo, Wa kalizi muntu onse, busena bonse, oyo wakali kuyo kkala, konse kujatikizya ncico. Ca kakanzwa kale conse. Leza wakalizi kuti ciyooba okuno. Elyo—elyo cindi . . . Wa kaibamba munzila eyo, kutegwa cindi twaa kusika okuya . . . Wa kaunka kuyo tubambilia busena. Elyo cindi twaa kusika okuya, koonse kuyo bambwa mbubonya buyo mbuli busiku obu mbo bubambidwe, mbuli oora eli mboli bambidwe. Iiyi. Kuzibakale Kwakwe kupati kula Mwaambila zintu ezi zyoonse, kwiinda ku kuzibakale.

<sup>38</sup> Ngu uulikokoonse nkaambo Ngu uzizyoonse; uzizyoonse nkaambo Ngu uulikokoonse. Nkikaako, kwiinda kukuzibakale Kwakwe . . . Lino, Ta konzyi kuba buyo mbuli guwo aatala aa nyika, nkaambo Walo Ncilenge. Tali kaano kabuyo. Walo Ncilenge. Ula kkala. Walo akwalo ula kkala mu ng'anda. Walo ula kkala mu busena butegwa Julu. Elyo nkikaako, kwinda Kwakwe uuliko-, mukuba uulikokoonse; mukuba uuizyoonse, mukuziba zintu zyoonse, mpawo Ngu uulikokoonse nkaambo Uli zyi zintu zyoonse.

<sup>39</sup> Yebo, eno, yebo wakakomena kuzwa kukuyalwa kwako, cindi noka zyalwa a kutondezegwa mu nyika eyi. Leza wakali kuti kuya kuba kookuno mu nyika eyi, alimwi aka komena kuzwa ku kuzyalwa kusika kukusima. Zintu ezyo zyakali kuboneka bweenzu loko kuli nduve, mu bwanakazi bwako bukibusyi, bulombe bukibusyi, mbuli bana, lino ziboneka kasimpe loko. Toka konzya kucimvwisy a cindi nokali mwana. Pele lino, mbuli mboba mupati, utalika kumvwisy a kujana kuti zintuzyonse zya kabambwa buyo kabotu. Elyo, nywebo, caamba cintucimwi ncobeni kuli nduve lino.

<sup>40</sup> Mbubonya mbocibede mu kuzyalwa kwako kwa kumuuya. Ula cita zintu nzo tamvwisyi, cindi wanooli muvwanda muniini, kuboola ku cipaililo. Wa kapa buumi bwako kuli Kristo. Ula cita zintu zyeenzu boobu. Ula libuzuya kaambo neco kacicita. Pele kwainda kaindi, cindi wasima, mbuli Banakristo mbobasima, mpawo ula cimvwisy. Mwabona? Kuli cintucimwi cibweza. Ula bona kaambo neco keelede kucicita. Kuzyalwa kwako kwa kumuuya! Kuzyalwa kwako kwakunyama kutondezya kwako kwa kumuuya.

Obo—obo mbo ceelela kuli nduve, mu buumi obu, mbuli mbo komena, zintuzyonse zya keelela moonya mukati, nkaambo waka

bambilwa ceeco. Sa tii cakali cintu ceenzu, busiku obo kuti waka zungaana mu missioni, muswaangano wa tente, na mbungano niini kubusena bumwi ku kkona, a cintucimwi mukambausi nca kakambauka, ciiyo cimwi, nkabela wakawa buyo mpoonya aa cipaililo? Wabona? Wabona? Leza wakalizi eco, kuzwa ku malengelo aa inyika. Wabona? Ca—ca kaboneka bweenzu kuli nduwe, baa wa kacicitwa mpawo. Pele lino ulamvwisyia; wa kalizi eco cakacitika. Cili mukweelela loko kuli nduwe mu buumi obu, alimwi ciyooba akwalo mu Buumi obo buciboola. Eyi inyika a buumi bwayo ziboneka ku—ku kusumpuka wanoya busima. Zintuzyonse ziboneka kweenda kabotu a nduwe.

<sup>41</sup> Nse syomi mu ii...kuti muntu wacitika kuba okuno mu coolwe. Lino yeeya buyo, cindi nokaboola ku i—i inyika, zintuzyonse zya kabambilidwe kale, na kubambwakale, mubwini, nkambo ka nduwe. Nse mvwisyi nokuceya obo mbo tukonzya kuyeyya kuti Leza inga wabamba zintu ezi zyoonse zibotu kuli ndiswe inga tee twa...inga tee twabikka lusyomo muli Nguwe. Kuti, ikuti na Wa katuleta mu lupyopyongano olo motubede lino, a kubamba zintu zibotu zya buumi kuli ndiswe awa, nkunji buti nko tukonzya ku Mu syoma kubamba zintu ezyo zyeelede kuboola, mwabona, zintu Zitamani! Ci boneka, Nda amba, nceenzu loko.

<sup>42</sup> Elyo Nse—Nse yeeyi kuti Julu mbusena bwa baama mbo bakali kundaambila. Nda syoma kuti Mbungano yakomena kuzwa kuli ceeco. Ku yeeya, mboya kabede, myaka ili mwaanda yakainda, na yobilo, Ndi yeeya kuti basikale bakali kuyeyya kuti boonse bakafwa bakaunka ku Julu nkabela bakajisi tuntimbwa, a—a kukkanala alya aa makumbi a—a kulizya tuntimbwa. Lino, ba kalizi kuti kwakali busena butegwa Julu. Pele, balo, ikuti na eco cili boobo, boonse basikwiimba nibaka ako kuli ndiswe, nywebo mwabona. Pele swobo...Pele ta—ta uli musyobo oyo wa busena. Takuli kulizya tuntimbwa, pe. Nda syoma, nse syomi kuti Bbaibbele liyiisa obo. Pele oyo wakali muzeezo ngo baka jisi kakutanaba buzule bwa Ijwi kuboola mukuba, na kujulwa kwa Zinamatizyo zili Ciloba, ezyo zyaka syomezegwa kuli ndiswe mu bukkalo obu, kuti swobo mpawo tula mvwisyia.

Nda syoma kuti Julu mbusena bwini, mbubonya buyo mbuli obu mbubuli busena bwini, mwabona, nkambo Leza waka tutalisya mu kukomena kwesu kwa kumuuya mu busena obu. Elyo Ndi syoma kuti Julu mbusena nconzyo mbuli boobu, oko nkotu takali okuya Cabutamanai akukkala buyo alya a kkumbi. Ta tulizyi buyo tuntimbwa twesu, kuli koonse—koonse kuzwa awa, lyonse. Pele tuyu ku busena bwini oko nko tuyu cita zintu, oko nko tuyu kkala. Tuyo beleka. Tuyo botelwa. Tuyo pona. Tuyo unka ku Buumi, ku Buumi Butamani bwini. Tuya ku Julu, paradaiso. Mbuli buyo Adamu a Eva mbo bakabeleka, a kupona, a kulya, a kubotelwa, mu muunda wa Edeni cibi kacitana njila, tuli mu lweendo lwesu kujokela okuya alubo, nkoonya, kujoka

nkoonya. I Adamu mutaanzi, kwiinda mu cibi, waka tugwisya. I Adamu Wabili, kwiinda mu bululami, kutu josya mukati alubo; kutululamika a kutu josya mukati.

<sup>43</sup> Nyewebo nobantu nomu bweza mateepu lino, mulumbe wa "kululamikwa," Ndi yanda kuti mwii bweze. Ano mubweza mateepu, Ndi yanda kuti mumvwisye eco. Nda kambauka ali ncico, okuno ciindi cimwi cainda.

<sup>44</sup> Amulange obo bazyali banu baansi, kamutana boola okuno, kabatana kuziba kuti mwakali kuboola, bakali bambila ku kuboola kwanu. Amu ciyeeye buyo eco lino, bazyali banu baansi. Uuli, muzyali waansi ncikozyanyo biyo ca Muzyali wakujuju. "Ikuti na tu lizi nzila ya kupa zipego zibotu ku bana besu, nkunji buti Taata Wakujulu mbwa ziba nzila ya kupa zipego zibotu ku bana Bakwe." Jesu wakaamba Majwi aya. Mwabona?

Ba kabambilila ku kuboola kwanu. Ba kabamba kalo kaniini, na kuba tuniini, tusokesi tuniini, a zisani ziniini, azimwi zimbi. Ba kalibambilila, zintuzyonse kuli nduwe kuti usike, kalibambilila kotana akwalo kuboola aa nyika.

<sup>45</sup> Jesu wakaunka kuyo bamba kuboola kwesu okuya. Lino amubone. "Mu Ng'anda ya Taata Wangu kuli makkalilo manji." Na, atu . . .

Ta ndi kanzi kuyungizya ku Ijwi, na kugwisya kuli Ndilyo, nkaambo ta tweelede kucita eco. Ci'yubunuzyo 22 yakati, "Kufumbwa muntu uyo yungizya ijwi, na kugwisya Ijwi kuzwa kuli Ndilyo." Pele andi bambe buyo eci, mbuli kutali kuyungizya, pele buyo ku—ku leta kaambo keni.

"Mu Ng'anda ya Taata Wangu kuli misyobo minji ya makkalilo aa bantu." Nse syomi kuti cindi twa kusika ku Julu kuti tuyooba, bantubonse buyo bakozyanya ncobeni. Nse syomi kuti—kuti boonse bayooba bamasusu atubuluka ku mitwe, na bamasusu asalaluka, na—na baniini, na—na boonse bapati, na—na babbabbani boonse.

Nda syoma kuti Leza ngu Leza wa bubambe bwindene. I inyika ilatondezya eco. Uli jisi malundu mapati a malundu maniini. Uli jisi nkwaalale. Uli jisi lukula. Uli jisi zintu zyandeene, nkaambo Wa kaibamba mu nzila Nja kali kwiiyanda. Elyo Wa kabamba ziindi; mainza, mapeyo, butolo, butololo. Wa kabamba ziindi. Ci tondezya kuti Ngu Leza wa bubambe bwiindene. Wa kakumba mu bube bumwi. Bamaalumi bamwi mba bukali loko; alimwi bamwi mba buzumini loko bwakukombi; alimwi bali bali kabotu; bambi mba sibuuya. Elyo mula jana misyobo yoonse yandeene ya bantu, a mu Bwami Bwakwe. Mwabona?

<sup>46</sup> Amulange Musalali Petro, a kumu beteka kwiinda kuli Andreya. Mwabona? Andreya ngu silumamba oyo wa mipailo, wakakkala buyo ku mazwi akwe ciindi coonse. Elyo muapostolo

Petro wakali umwi wa baabo basuka mulilo abo bakakambauka, a—a bamwi bambi. Elyo Paulo wakali mbuli sicikolo wini, kunji kwa i . . . mbuli musinsimi, na cintucimwi, aku kkala kusule.

<sup>47</sup> Elyo, mwabona, Musa wakalemba Mabbuku one mataanzi aa Cakale. Ayo, nga kalemba a Cizuminano Cakale. Onse akali a milao, a bami, a ntembauzyo, aamwi ambi, a ceeco muntu umwi nca kalemba ca basinsimi. Pele Musa wakalemba milao, Mabbuku one mataanzi aa Bbaibbele: Matalikilo, Kulonga, Levitikasi, a Deutronomo.

<sup>48</sup> Elyo mpawo Paulo wakalemba Cizuminano Cipy. Obo mbwini. Matayo, Marko, Luka a Johane bakalemba incito zya ceeco cakacitika, azimwi zimbi. Pele Paulo wakandaanya mulao a luzyalo, a kuubikka mu busena bwawo. Mwabona? Wa kali mulembi wa Cizuminano Cipy. Wa ka tupa malembo aa Cizuminano Cipy, kubamba Ijwi lya Leza mu ncililano.

Lino amubone, *manji*, “makkalilo manji,” misyobo minji ya makkalilo.

<sup>49</sup> Mboli, misyobo minji ya zilundu; mboli, misyobo minji ya milonga, tusensa, tuziba. Ba zyakaliko cindi nokaboola okuno, lutaanzi, nkaambo luse lwa Taata wako Wakujulu lwaka bikka awa. Nkaambo, bantu bamwi bayandisya malundu. Bantu bamwi bayandisya meenda. Bamwi bayandisya lukula. Aboobo, nywebo mwabona, kuboola kwako, Wa kali buzi bupange bwako a boobo mbokali kunooba, aboobo Wa kabubamba munzila kuti kobi botelwa. Oh! Ndi yeeya kuti oyo ngu Taata mubotu, mwabona, kuziba kuti Wa kabubamba mboli boobu.

Ndili kkomene kuti Wa kabamba malundu. Nda—Nda botelwa malundu. Nda . . . Elyo Nda—Nda ayanda ayo. Oko, bamwi, “Oh, Nse konzyi kwiima . . . Oh, Kweelede kuti wakasukumuna bbokesi Lyakwe lya daka okuya.” Ee, Wa kaisukumuna kutegwa Ndi ibotelwa. Nywebo mwabona? Aboobo mpawo kwaamba, “Nda ibotelwa nkwaalale, awo Mpe konzya kubona masena malamfu.” Ee, bupange bobilo bwandeene, toonse swebo to Banakristo.

Pele Taata wakalizi kuti uya kuba kookuno, akubamba zintuzyonse nkambo ka nduwe kotana kusika okuno. Ameni. Kuboola kwako kutaanzi, awa, Wa ka kubambilide kuli nduwe cindi nokelede kusika awa. Sa eco tacili cibotu maningi kuyeeaya eco Nca kacita?

<sup>50</sup> Lino, lino, pele amuyeeye, ezi nzipeco biyo zya kaindi kaniini, mu cikozyanyo. “Lino, tu lizi kuti Musa, mu kuyaka cikombelo mu nkanda, na kucibamba, wa kati wa kabamba zintu zyoonse kutobela ncililano ya ceeco nca kabona ku Julu.” Mwabona? Aboobo, zintu zyanyika zitondezya buyo obo zintu Zitamani mbo zibede. Elyo ikuti na eyi nyika njo tuponamo sunu, mukuba mpati loko, mboli mbo tu iyanda; a kuyanda kukkla, a kuyoya muuwo, a kubona malubaluba a zintu; ikuti—

ikuti eco, ikuti oku awa nkutondeezya, cimwi eco cili mukufwa nkutondezya biyo cimwi eco Citamani. Cindi wabona cisamu kacipengaana, kukwela, kusola kupona, eco caamba kuti kuli musamu ku busenabumwi oyo utaelede kucita ceeco.

Cindi wabona muntu awa, kapengaana kupona, muntuumwi mu cibbadela, na kaciswa mu bulo, na mu ntenda, kapengaana, nkabela kulila kwa lufu kuli mu kameneno kabu, a kukwela, a kulila, a kukwiilila buumi, ino eco caamba nzi? Kuli busena, kubusena bumwi, kuli mubili oyo utapengaani a kukwiilila ceeco. Mwabona? Ta uciciti nconzyo.

<sup>51</sup> Lino, nzipego zya kaindi kaniini kuli ndiswe, ezi zintu, zitondezya buyo kuti kuli Cimwi awo ali Cimwi Citamani. Eco nce ncico Jesu ncakainkila kuyo bamba, Bumwi bwasu Butamani. Lino, zi tondezya buyo kuti kuli upati maningi bwa musyobo omwe, nkaambo aya nga musyobo omwe.

<sup>52</sup> Lino, amuyeyeye, Bbaibbele lyakati, “Ikuti na eci cilao caansi cakukkalila kwesu, ikuti na yanyonyooka, ca mwaika, tuli jisi kale comwe cilindila.”

Mbuli buyo muvwanda muniini, milambi yakwe miniini, muli banyina, ila gwinya akunyona. Elyo, pele buyo... Mwabona? Alimi amubone, inga mwabweza mwanakazi, ikuti kali mubi loko ncobeni; pele cindi aba mutumbu, kaindi kaniini muvwanda katana zyalwa, kuli luse lujatikizya mwanakazi. Lu muzungulika, kuli cintucimwi lyoonse, uba sibuuya loko. Nkaambonzi? Kuli muuya muniini wa angelo uulindila kutambula mubili oyo wakunyama. Mbwa zyalilwa buyo, kuyoya kwa buumi kuli njila muli nguwe. Elyo Leza ula ufulida omuya, nkabela ukaba buntu bupona. Lino, mbuli buyo oyu muvwanda mbwali mukuzyalwa, mpawo mubili wa kumuuya nkouli aalya wa kuutambula.

Elyo lino, cindi oyu mubili waloka awa, mu nyika eyi, mbuli muvwanda mbwa losegwa, akwalo kuli mubili uutafwki uulindila kutambula muuya kujoka muli lwawo alimwi. Oh, ino ncintu cipati! Tuli-tuli muli Kristo Jesu lino, (ameni), bavwanda, bavwanda muli Kristo, bana ba Leza, balindila kuvunwa kuzwide, ku Kuboola kwa Mwami wesu Jesu, i...ku tutambula kuli Lwakwe, cindi mubili, oyu uufwika, tuya kusama utafwki.

<sup>53</sup> I cikozyanyo, zintu zyoonse Nzya kacita, zitondezya zintu ezyo zyeedele kuboola. Mbuli buyo mubili mbo ukupa awa, mbuli buyo mubili oyu, Ngwa kupa ku kkalilamo, utondezya biyo kuti kuli omwe mupati maningi, nekubaboo, oyo uciboola. Mwabona? “Ikuti na twa bweza, na kuzyala cinkozya ca bulongo, akwalo tuyu zyala cinkozya ca Kujulu,” oyo uta jisi bubi muli oyu umwi weeede kuboola. Lino, oyu umwi uli jisi bubi, malwazi, lufu, buusu. Nda kazwaa kutondezya okuno, kutali ciindi cilamfu cainda, nke kambauka aakuti *I Kusandula*

*Kwa Ijwi Lya Leza*, kwa nzila oyo—oyo mubili oyu, ujisi bubi muli nguwo.

<sup>54</sup> Alimiwi lusumpuko olu loonse lwasunu olo ndo tuponena mo ndwa dyabulosi. Tamu syomi eco? I Bbaibbele lyaamba kuti mbo lubede; nyika eyi, mfulumende yoonse. Ta tuyandi kusyoma obo. Pele Bbaibbele lila caamba antangalala, kuti mfulumende aimwi, bwami abumwi bwa nyika, bweendelezegwa aa dyabulosi a kulela kwiinda kuli dyabulosi. Jesu waka tolwa aa Saatani, atala, aku Mu tondezya mami oonse aa nyika ayo akaliko, ayooba, aamwi ambi. Elyo Saatani waka ataminina, kuba aakwe, nkabela Jesu kwiina nakakazyanya a nguwe, nkaambo ngu kaleza ka nyika eyi. Mwabona? Elyo wa kati, “Ndiyo apa kuli Nduwe ikuti na Yebo wafugama a kundi komba.” Mwabona? Wa kali kusola kwaapa kuli Jesu, kakutakwe cituuzyo. Mwabona? Wa kali kunyengelela oko nkwa kali kuyo Mu bamba.

Pele inyika yakali bisizye. Aboobo, cisubulo ca cibi lwakali lufu, nkabela Wa kacita kufwa. Nke kaambo Leza waka yubululwa mu mubili wabuntu, kutegwa Ka konzya kubweza lufu ali Nguwe, ku kubbadebla cisubulo. Taakwe cintu cakujoka. Tii cakasalwa kubelesegwa. Caka bbadelelwa, cakumaninina cabuyo. Cikwelet coonse caka bbadelelwa. Buzulilwa kuli Nguwe lino. Elyo tuli baiminizi ba Bwami Bwakwe, babungene okuno antoomwe sunumasiku, mu Zina lyi Jesu Kristo Mwaami wesu, uukkede mu masena Aakuju.

<sup>55</sup> Lino, mu inyika eyi njo tuponamo, lwiyo olu, Ndi yanda kutondezya kuli ndinywe, lwiyo, sayaansi, lusumpuko, a zintu ezi zyoonse ezyo nzo tuboneka kubotelwa loko sunu, nzya Saatani, nkabela ziyo nyonyooka. Nywebo mwati, “Mukwesu Branham, lusumpuko?” Iiyi, munene. Olu lusumpuko lwakasika kwiinda kuli Saatani. Matalikilo 4 ala citondezya. Mwana wa Kaini, mwabona, wakatalisya lusumpuko olu, kuyaka madolopo, a maogani, azimwi zimbi. Elyo lusumpuko lwakasika kwiinda ku luzibo. Luzibo nceeco dyabulosi nca kasambala Eva, mu muunda wa Edeni, eco cakamucitya kusinkilwa, kusotoka mulao wa Leza.

Aboobo kuyooba lusumpuko mu inyika nko tuyu, pele talukabi lwa musyobo oyu wa lusumpuko, nkambo mu lusumpuko olu tu jisi malwazi, buusu, cisusi, lufu, zintuzyonse mu lusumpuko olu, zilubide. Pele mu lusumpuko olo taku kabi zintu ezi. Ta tukayandiki sayaansi.

Sayaansi ndusandulo lwa citaanzi, nekuba. Mwabona? Wa kapasaula molekyu, kupasaula maatomu a kucita *boobu-aboobu*, ku kunyonyoona. Wa bweza musili wa ntobolo, wadubula *eci*, ku jaya cintucimwi. Ko bweza mootokala. Elyo kotola mungwimba kuzwa mu nyika, a zintu kuzwa mu nyika, ku kwaangulula butambo, kutegwa ikonzye kubbotoka. Elyo koselemuka mugwagwa ku mamaile ali makumi ali fuka

mu oora, a kujaya muntuumwi. Mwabona? Oh, kulibilika loko, kusyanikila, kubinda; twe elede kutonta, kubweza. Oh! Mwabona? Nkwa dyabulosi koonse.

I Bwami bwa Leza tabu kabi a myootokala, ndeke, na kuzwidilila kumwi kwasayaansi. Peepe. Ta lukabi a lwiiyo lumwi, pe. Lu yooba lwiiyo lupati loko kuli olu, cakuti olu taluka yeeyegwi akwalo. Mwabona? Lwiiyo, lusumpuko, a zyoonse ezi, zizwa kuli Saatani.

Lino, yebo wati, “Mukwesu Branham, nkaambonzi nco bala, mpawo?”

<sup>56</sup> Mwabona, mbuli buyo, nkaambonzi Nce samina zisani lino? Mu lusumpuko olo lwa keelede kusika, olo lwakali lutaanzi, tii bakali kuyandikana zisani zili zyoonse. Ba kali vumbilidwe. Tii baka jisi kaambo kakusamina zisani, nkaambo tee bakazi kuti bakali cinswe. Lino nywebo... Lino mula jana, kuti, mukati lino, mpawo, kuti tu lizi kuti tuli—tuli—tuli basicinswe, cibi cila kkalilila awa, mpawo tweede kusama zisani. Pele tii cakali boobo ku matalikilo; kwakanyina cibi. Mwabona?

<sup>57</sup> Lino, cintu nciconya cili mu nzila ya lusumpuko, kumaninina. Tula bala, tula lemba, tula cita eci, pele muta cinci kuli ceeco. Mutu bambi eco kuba kaleza kanu, nkambo ako nkaleza ka kkomunizimu. Mwabona? Takali ka Jesu Kristo.

<sup>58</sup> Jesu Kristo nkwiinda ku lusyomo; kutali eco nco konzya kutondezya munzila yasayaansi, pele eco nco syoma. Nse konzyi ku kutondezya kusayaansi, sunumasiku, mu buyake obu, kuti kuli Leza, pele nekubabooobo Ndi lizi kuti Mpali ano. Pele, ku lusyomo lwangu, kula kusimpikizya.

Abrahamu nataka konzya kutondezya kunzila yasayaansi kuli ndinywe kuti wakali kuyooba a muvwanda ku mwanakazi oyo, alimwi walo katandila myaka ili mwaanda yakukomena. Pele lusyomo lwakwe lwaka cisimpikizya. Mwabona? Tii cakali kuyandikana cizibyo casayaansi cili coonse. Baa, i...Baa, dokotela na kati, “I mudaala uli sondokede, abusena awa kaamba kuti uyooba a ii—ii muvwanda kwiinda ku mwanakazi oyo; walo myaka ili mwaanda yakukomena, a nguwe makumi ali fuka.” Pele, nywebo mwabona, Leza wakaamba boobo, aboobo tacitoli sayaansi. Ci tola lusyomo, kusyoma Ijwi lya Leza, kutali sayaansi.

<sup>59</sup> Aboobo, zikolo zyesu a zintu zili muku bbotoka. Mbuli, Leza kwiina na kaamba kuti, “Kamuya muka yakezikolo,” na akwalo, “kuba a zikolo zya Bbaibbele.” Nywebo mulizi obo? [Mbunga yaamba, “Ameni.”—Mul.] Wa kati, “Amu kakambauke Ijwi.” Mbo mbubo ncobeni. Ziyanza zyesu zya lwiiyo zyaka tutola kulaale kuzwa kuli Leza kwiinda cintu cili coonse Nce zyi, mbo mbubo, kulaale kuzwa kuli Leza. Kutali kuyaka zikolo, zibbadela, azimwi zimbi; ezyo zyakali zya inyika a zya nkamu

eyo. Pele, Nse jisi cintu caku zilwana; zila beleka zibeela zyazyo, pele nekuba eco tacili ncico.

Tula yaka cibbadela, kabotu lyonse, a kwiya kubellesya misamu mibotu maningi njo tu jisi, nkabela bali zyuulu balafwa muli nguwo abuzuba. Pele, oh, ma, mu Bwami bwa Leza, kwiina lufu, kwiina kuusa. Ameni. Taku yandikani zintu ezi zya inyika. Pele twa kazwa ku cintu eci, kunjila mu tusimpe twa Leza; oko nko tulwanina canguzu kusola kujana, kwiinda mu sayaansi. Elyo twaindila kuba basayaansi, notwiindila kuli letela lufu kuli lwesu. Tu lwana nkondo ya kuzundwa okuya, aboobo amwa angulule kuli ngjiyo. Elyo ku lusyomo, kusyoma Jesu Kristo Mwana wa Leza, sunumasiku, aku Mu zumina. Ngo Nguwe.

<sup>60</sup> Ino sayaansi ikubambila nzi? Lufu lunji. Mbo mbubo. Setilaitisi a zintuzyonse kaziya mujulu, a zintu ezi zyonse, kusabalanganya lufu a zintuzyonse aatala a nyika. Muta langi kuli ceeco. Amunyone mitwe yanu atala maningi kwiinda eco, kutozya ku Julu. Amulange awo Jesu mpa kkede, “Ku janza lyalulyo lya Leza,” sunumasiku, “kapona lyonse ku kubamba nkcombeleyo aa kulyaambilila kwesu,” kwa ceeco nco tusyoma, Ijwi Lyakwe kuba Bwini.

<sup>61</sup> Lino, tu jana kuti, obu buumi bu jisi misyobo yoonse ya bubi, aboobo nkikaako buumi bweelede kuboola tabu kabi a mbubo. Obu bwalo bujisi cisusi, a malwazi, lufu. Nkaambo, ino ncinzi? Taili ng'anda eyo Nja kaunkila kuyo bamba. Eyi ni ng'anda ya zipenzyo. Mbangaye bazi ng'anda ya zipenzyo kuti niinzi? [Mbunga yaamba, “Ameni.”—Mul.] Masimpe. Ee, omo momukkala. Ii ng'anda ya zipenzyo mpaawo mpo bakabikka bantu boonse balwazi. Ee, eco ncencico cibi nco cakatu citila, kutu bikka mu ng'anda ya zipenzyo. Sa mwakali... Tii bakali kulekela naba omwe umbi kunjila mu ng'anda ya zipenzyo, nkaambo kuli misyobo yoonse ya tuzunda tuuluka koonse omuya, alimwi—alimwi bantu bayo bweza tuzunda otu a—a kuciswa, lwabo. Elyo cibi caka tuleta mu ng'anda ya zipenzyo iya dyabulosi.

<sup>62</sup> Oh, pele umwi umbi ula tegwa, “Ng'anda ya Taata Wangu.” “Njo unka akuyo mubambilila busena. Ku zomugusya kuzwa mu ng'anda eyi ya zipenzyo a kumutola mu Ng'anda ya Taata Wangu.” Ameni. Mpaawo we; ku mugusya kuzwa mu ng'anda eyi yakaindi iya zipenzyo. Wa kaunka kuyo bamba busena, busena bulondokede oko kutakwe bubi, kutakwe kuciswa kuliko, kutakwe kucembaala kuliko, kutakwe lufu luliko.

Bwalo mbusena bulondokede bu kwiitila ku bulondosi obo, alimwi weeblede kulondoka kuti ukasike okuya. I Bbaibbele lya kaamba boobo. Jesu wakati, “Amu londoke mpawo, akwalo mbuli Uso wanu ku Julu mbwa londokede.” Bwalo Mbwami bulondokede, aboobo bweelede kuba bantu balondokede baboola. Nkaambo, mweelede kwiimikila a kukwatwa ku

Mwana wa Leza uulondokede, alimwi mweelede kuba Nabwiinga uulondokede. Aboobo mbobuti mbo konzya kucicita kwiinda mu cintu cili coonse cimbi cita ku Ijwi lya Leza lilondokede, lili ngu, “I Maanzi aakusalazya, ayo atusanzya kuzwa ku zibi zyesu”? Ameni. Mbo mbubo. I Bulowa bwa Jesu Kristo, amu Bu yeeye, Ijwi, lisweka Malowa. Ameni. I Bulowa, i—i Ijwi lya Leza kalizwa bulowa Bulowa, ku kusanzya Nabwiinga mukati. Ameni. Iiyi, munene. Uli imvwi cakulondoka, nakalindu, uunjoloma. Taakwe nakabisya, mu busena butaanzi. Ameni. Waa ka cegedwe muli ncico. Mwabona?

Njeeyo Ng’anda ya Taata Nja kaunkila kuyo bamba.

<sup>63</sup> Oyu umwi wakasika kwinda ku nkabela, a kuzwa ku kuwa, nkabela kweelede kuwa antomwe a kuwa. Takukwe makani obo kunji mbo gambika cintu cakaindi, ciyo wa, nekuba. Uli manide, nkaambo waa kanyonyooka, nkaambo Leza wakaamba boobo. Waa kayabaala. Leza uyo cinyonyoona. Wa kaamba boobo. Kuyooba kubambululwa kwa cintu coonse. Mula syoma obo? [Mbunga yaamba, “Ameni.”—Mul.]

Ku matalikilo, cindi inyika niya kajisi kuzyalwa kwayo, cindi Leza nakakwela maanzi, lutaanzi, kuzwa aa nyika, mbuli Mbwa kacita maanzi kuzwa mwida lya mutumbu, kwakali inyika yakazyalwa. Iiyi. Alimwi bantu bakatalika kupona ali njyo cindi Leza naka babikka alya. Alimwi mpawo ba katalika kubisya. Alimwi yaka bapatizingwa, kwiinda ku kunyikizigwa, mu mazuba akwa Nowa. Mpawo yaka salazigwa kwiinda ku Bulowa bwa Mulengi kabulokela ali ncico.

Elyo lino nje nzila mbo boola, kwiinda mu kululamikwa, ku kusyoma Leza. Wa kabbizingwa ku kweempwa, na, ku, ku kujatilwa kwa zibi zyako. Wa kalyaambilila zibi zyako kumbele lya Leza, nkabela Wa kazilekelela kuli nduwe. Elyo waka bapatizingwa, ku tondezya kuti wakali obo, waka jatilwa; kulyaambilila ku bantu, a kutondezya ku inyika, kuti ula syoma kuti Jesu Kristo wakafwida nduwe. Elyo yebo... Wa kabweza busena bwako, alimwi lino uliimvwi mu busena Bwakwe. Wa kaba nduwe, kutegwa ube Nguwe.

Mpawo nguzu zyakusalazya izya Leza zyaka salazya zilengwa zyoonse kuzwa mu buumi bwako. Wa kali kufweba, kunywa, kucita zintu ezyo zya takali kabotu, ku beji, zintuzyonse. Mpawo nguzu zyakusalazya izya Bulowa bwa Jesu Kristo zyasika mu buumi bwako a kugusya zintu zyoonse kuzwa kuli nduwe. Ikti na wa citika kwaamba cintucimwi citali kabotu, cakufwambaana kwaamba, “Amulindile anii. Mundi jatile. Nse kanzi ku caamba boobo.” Mwabona? Dyabulosi kuteede kooze alya. Pele ujisi luzyalo lwa kujoka, ikuti na uli Munakristo wini, kwaamba, “Nda kalubizya.” Iiyi. Aboobo, nkikaako, lino, i...

<sup>64</sup> Lino, cintu citobela nco katambula, lwakali lubbizyo lwa Muuya Uusalala a Mulilo.

Lino, Leza, cindi Mileniamu eyi yaakumana, Leza uyopa inyika lubbizyo lwa mulilo. Iuyo bbotola cintu coonse. "I majulu a nyika ziyo tentwa." Petro wakaamba boobo. Elyo cintu ciyooba a lubbizyo lwa mulilo, kubambululwa kwa cintu coonse. Elyo mpawo kuyooba majulu mapya a nyika mpya. Nkokuti, cindi, awo bululami mpo bujanwa.

Awo mpo tubede. Twa kaba kuzwa ku zilenge zifwika, kuzwa ku zilenge zya muciindi, kuya ku zilenge Zitamani. Cindi Ijwi ly a Leza nilya kayasigwa buntu bwesu, nkabela tuba bana balombe abasimbi iba Leza, a bube, jiini ya Leza muli ndiswe, kuba bana balombe abasimbi iba Taata, Leza ku Julu, kaompolola, "Abba, Taata! Leza Wangu, Leza wangu, mu Ng'anda ya Taata wangu."

<sup>65</sup> Lino, eyi inyika yakaindi yeelede kuwa, nkaambo ya kaboola kwiinda mu nkewela. Elyo ya kaboola kwiinda mu kutamvwa, ku matalikilo. Elyo twa kazyalwa awa kwiinda mu nkewela, kwiinda mu kuwa, alimwi yeelede kujokela nzila njionya, ku kuwa. Pele imwi lino Njali mubambilila ndinywe, takonzyi kuwa, nkaambo Uli mukwiibamba boobo. "Nda unka . . ."

Ino kuti ni twa kapona buyo mu musyobo oyu wa mibili? Sa tamu kkomene kuti kuli cintu cili boobo mbuli lufu? [Mbunga yaamba, "Ameni."—Mul.] Lino sa eco tacili ceenzu? Pele lino, kwaamba, kupa mukozyanyo . . .

Ii myaka misyoonto yakainda, Nda kali mulombe muniini, elyo lino Ndili mwaalumi wamusela waakatikatiki. Ndi jisi mweenzuma ukkede mpoonya alya, Ba. Dauch, alimwi ula myaka ili makumi ali fuka aitatu yakukomena, mazuba masyoonto aindia. Amu mulange lino. Myaka ili makumi one na makumi one ayosanwe imbi, oyo inga waba ndime. Lino amu bikke myaka imbi ili makumi one ali nguwe. Nkokuli nkoya kuunka? I biyo . . .

<sup>66</sup> Ndili kkomene kuti kuli cintucimwi caku tugusya mu ng'anda eyi ya zipenzyo. Ngooyo mulyango ujukide, nkabela ula tegwa lufu. Jesu uliimvwi ku mulyango oyo. Ameni. Uyo ndeenzya kuzabuka mulonga. Uyo nditolka kwiinda ku mulyango oyo. Kuli mulyango mupati wiimvwi kutala, utegwa lufu. Elyo ciindi conse moyo wako waduntaana, ujisi kuduntaana munsi-loko kuli ndulo. Elyo buzubabumwi Nde elede kuya kusika ku mulyango oyo. Mweelede kuya kusika okuya. Pele cindi Nda kusika okuya, Nse yandi kuyooba mukandu. Nse yandi kuya kukwiila a kubbingila. Ndi yanda kusika ku mulyango oyo, kuli vungaila mu zikobela zya bululami Bwakwe (kutali bwangu), Bwakwe.

Kuli ceeci Ndi lizi, kuti, "Ndili Mu zyi mu nguzu zya bubuke Bwakwe." Kuti, cindi Akwiita, Njo zwa akati ka bafu, kuyooba a Ngewe, kuzwa mu ng'anda eyi ya zipenzyo. Kufumbwa

oko mubili oyu nkouya kuwida, a kufumbwa nkouya kusikila, kufumbwa mbo kubede, Njo zwa buzubabumwi, nkaambo Wa ka Usyomezya kuli ndime. Elyo tula cisyoma. Iiyi, munene. Uli mukubamba Umwi oyo utakonzyi kuwa.

<sup>67</sup> Amubone obo mutumbu ulafwi kutumbuka, aa nyika sunu, obo mubili wa banyina mbo ukwela zintu zimwi. Ndila kanana, Nda yeeyela a kulangila, ku batapi boonse baya kumvwisya. I mutumbu, mu kutumbuka kwa muvwanda, ikuti na kuli cintucimwi cibulide mu mubili wakwe, ula taliaka kusukamina cintu cimwi. Lang a obo wisi . . .

Nda yeeya twa kakomezegwa, mukwasyi mucete lokop, alimwi—alimwi tii twa kajisi cintu cili coonse cakulya cindi ni twa kali bana. Bunji bwani mwakapenga ku nciconya cintu eco.

Aboobo obo kuti, cindi, muvwanda katana zyalwa, mutumbu wakali kusukamina cintucimwi. Elyo taata bakali kunga komona buyo makkona, zintuzyonse, ku mujanina. Mwabona? Ngo nguwe, mubili, mubili wakwe, kkaushiamu azimwi zimbi zya mubili wakwe, a mavitameni ayo nga yanda. Junie uli mukupangwa, mwabona, alimwi ula sukamina zintu, zyakulya zya mwana uboola. Elyo nzila, bazyali, ba sola ku cijana kutegwa muvwanda akazyalwe cakulondoka a kukkomana mbuli mbo kukonzeka. Bona obo bazyali bako mboba yocita eco? Cindi nokucili cintucimwi ciyandikana, mutumbu ulapa bumboni bwa ncico, mwabona, bupange bwakwe bula bambwa. Mwa mvwisya na? [Mbunga yaamba, “Ameni.”—Mul.] Kut, obo cindi nokuli cintucimwi ciyandikana awa, ku mwana uboola, i—i banyina balatalika ku sukamina ceeco.

<sup>68</sup> Lino, amwiime aniini buyo. Nkaambonzi tu jisi lubukulusyo? Nkaambonzi nco tubunganya tobени? Nkaambonzi lyoonse Nce tapatila bantu? Nkaambonzi Nce mwiita nobanakazi ba Pentekoste kuti: “Muleke kusama malukwe, misila, a kugela masusu aanu, a zintu mbuli ezyo”? Nkaambonzi nce Nda wamba ceeco? Nkaambo, nzila ya pentekoste ya ciyanza cakale tii yakali kucita ceeco. I nzila ini ya Bbaibbele taili ya kucita ceeco. Mu sama ezyo zibbudula azisani zya bamaalumi, sena mulizi kuti Bbaibbele lyaamba kuti eco ncisesemyo kuli Leza? [Mbunga yaamba, “Ameni.”—Mul.] Pele twa cizumizya. Nkaambonzi Muuya Uusalala ncou zumanana koompolola? Uli zyi kuti kuli cintucimwi cibulide alya. Twe elede kuba mu ciimo cizwide ca Jesu Kristo. Twe elede kuba bana balombe abasimbi iba Leza. Twe elede kulilemeka mbuli bana ba Leza.

<sup>69</sup> Ciindi cilamfu cakainda, kaano kaniini ka kaambwa. Nda bona mukwesu uusiya ukkede kusule. Ku Musanza, bakali kusambala bazike. Elyo eci, cindi niba kajisi bazike kumusanza okuya, cindi buzike nibwakaliko, kakutana kwaangululwa, lwa kaambilizigwa kupati. Elyo bakali kunga baunka munsi a kubaula, balo bantu, mbuli buyo mbo bakali kunga bacita

i—i mootokala wakabelegwa, sikusambala. Ba kajisi bbilu ya kusambala, a ku basambala mbuli bantunsi mbuli kuti ba kali—ba kali myootokala ya kabelesegwa. Yebo ujisi bbilu lya busambazi kuli mbabo.

<sup>70</sup> Ciindi cimwi sikuula wakasika, sikucitila bamwi makwebo. Elyo wa kali kuunka ku... Wa kali kunga waunka koonse ku mpulazi ezi zipati a kuula bazike. Elyo wa kaboola ku mpulazi imwi mpati oko nkoba kajisi bazike banji, elyo wa kali kuyanda kubona na mbangaye mboba kajisi. Elyo kwakali boonse babo okuya, kababeleka. Elyo ba—ba kali kuuside. Ba kali kule kuzwa ku muunzi. Ba kali kuzwa ku Africa.

Ba kabaleta okuno. I Bamabbunu bakali kubaleta okuya a kubasambala kuba bazike, elyo aboobo bakali kuuside. Ba lizi kuti taba kajoki ku muunzi alubo. Ni bakapona a kufwa mu cisi. Elyo ba kajisi, ziindi zinji, bakali kunga ba bweza mikkwi a ku banabba. Ba kali lubono lwa mukamwini, alimwi wa kacita ambabo eco ncakali kuyanda. Elyo ba buyo... Ikuti na wa kamujaya, wa ka mujaya. Elyo ikuti na walo, kufumbwa mbo cakabede, wa kacicitia ncobeni. Obo mbuzike, mbuli Israyeli mboya kabede, alimwi—alimwi bunji bwa masi aka letwa mu buzike. Elyo bakali kunga babweza bazike bacete. Ba kali kubeleka buyo. Ba kali kulila, nywebo mulizi, ciindi coonse, a kuusa.

<sup>71</sup> Pele ba kabona umwi wa bazike, mulombwana mukubusyi, wa kadukumene kaango kakwe, mutwe wakwe kau lungumene mbuli *boobo*. Taakwe naka munabba. Taakwe naka mwaambilila cakucita. Aboobo oyo sikucitila bamwi makwebo wakati, “Ndi yanda kuula *oyo* muzike.”

Wa kati, “Ta sambalwi.”

Wa kati, “Ndi yanda ku muula.”

Wa kati, “Peepe. Ta sambalwi.”

Kati, “Sena ngu simalela wa bamwi babo?”

Kati, “Peepe.” Kati, “Tali simalela. Awalo muzike.”

Wa kati, “Ee, ndiza umusanina bwandeene kwiinda mbo sanina bamwi babo.”

Kati, “Peepe. Boonse balida omuya mu cilido, antoomwe.”

Wa kati, “Ncinzi cibamba mulombe oyo kuba wandeene maningi kwiinda bamwi babo?”

Wa kati, “Nceeci cintu comwe. Nda kalibuzya kwa kaindi, ambebo. Pele mulombe oyo, muzwakule kuzwa ku Africa, pele mu Africa wisi mwaami wa mukowa. Elyo, nekubabobo, nali muzwakule kulaale kuzwa ku muunzi. Ula lilemeka mwini mbuli mwana wa mwaami. Uli zyi obo, kulanduka cisi, kuti wisi mwaami wa mukowa. Elyo lino ula lilemeka mwini, nkaambo ulizi kuti mwana wa mwaami.”

<sup>72</sup> Oh, mukwesu, mucizi, yebo a Ndime, mu inyika eyi njo tu pona, atu lilemeke mbuli bana balombe abasimbi iba Leza. Tuli bamuzwakule okuno, pele kulilemeka kwesu kweelede kweendelana ku milao ya Leza, kuti tuli bana balombe abasimbi iba Leza. Kulilemeka kwesu, twe elede kucitauka a kucita, a zintuzyonse, kweendelana ku milao eyo Leza nja kabamba.

“Elyo ncisesemyo ku mwanakazi kusama cikobela cizulilwa ku mwaalumi.” Cili lubide a cibi, “Kuli nguwe kugela masusu aakwe,” Bbaibbele lya kaamba booboo, “cintu citeeleti kuli nguwe akwalo kukomba.”

Yebo wati, “Ino kujatikizya ceeci?”

<sup>73</sup> Umwi wakandi tobela; mukutausi, mulemu uzizilwe, kutali ciindi cilamfu cainda. Kati, “Mukwesu Branham, boola. Ndi yanda kubikka maanza ali nduwe.” Kati, “Uyo nyonyoona mulimo wako.”

Nda kati, “Inzi?”

Kati, “Ku bwekela bantu mbuli booboo.”

Nda kati, “Nda amba i . . .”

Kati, “Nda syoma obo.” Kati, “Ndili muna Pentekoste, ambebo. Nda syoma kuti banakazi ta beelete kuba a masusu mafwaafwi, tabeelede kusama misila, a zintu ezi mbuli booboo nzila mbo bacita, kupenta masyu abo.” Kati, “Ta beelete kucita ceeco. Pele,” kati, “Leza waka kwiita ku kombela balwazi.”

Nda kati, “Wa kandiitila kukambauka Makanimabotu.” Inzya.

Elyo wa kati, “Nda syoma muli ceeco. Pele,” kati, “yebo uyeeya ceeco?”

Nda kati, “Inzya. Langa nco jisi, onse aya mabambe mapati, matelevizhioni, azintuzyonse zimbi. Nse jisi cintu cita Leza ca kwiingula.” Mbo mbubo. Nda kati, “Nse jisi cintu cita Leza kwiingula.”

Wa kati, “Ndi—Ndi—Ndi . . . Uyo nyonyoona mulimo wako.”

Nda kati, “Kufumbwa mulimo oyo Ijwi lya Leza ngo liyo nyonyoona, weelete kunyonyoonwa.” Mbo mbubo. Cilimasimpe. Obo mbombubo.

Wa kati, “Ee, uyo nyonganya.”

<sup>74</sup> Nda kati, “Nguni uyo Ca amba mpawo? Mwabona? Muntuumwi weelete ku Ca amba. Muntuumwi weelete kwiiminina eco cili Bwini, takukwe makani mbo Ci cisa.” Elyo beenzuma, mbuli Munakristo, mbuli bantu abo basyoma kuti tuyu ku Julu, i Muuya Uusalala Lwawo uyo tutondezya mu Ijwi lya Leza.

Wa kati, “Yebo ulizi eco nco elede kucita?” Kati, “Bantu bakusyoma kuba musinsimi.” Kati, “We elede kuyiisya banakazi

aba nzila ya kujana zipego zya businsimi a zintu mbuli ezyo, a zintu, zipati maningi mubusena bwa cintu ciniini.”

<sup>75</sup> Nda kati, “Mbobuti Mbweyo bayiisya alujebra kakuli taba kakonzyi kwiiya ma ABC abo? Cindi akwalo noba takaciti cintu calyonse, mwabona, cintu cakunyama, mbobuti mboya kubaambila zintu zipati?” Kakuli tamu kakonzya kutalika nokuba kuzwa i...Mu yanda kutanta atala lyamantilo kamutana kulyata taanzi. Ako nke kaambo neco muwa. Mwabona?

Mutalikila aansi, a kutanta atala nkoonya mbuli Leza mbwa musololela. Mwabona? Mululamike buumi bwamu a kusola kutobelka kabeela koonsa ka Ijwi eelyo Leza ndya kasalila ndinywe kucita.

<sup>76</sup> Lino amuyeeye obo kuti Leza...Twe elede kulilemeka a kucita mbuli Banakristo. Kupona kwesu kweelede kuba mbuli Banakristo. Nkaambo, tuli bamuzwakule awa. Oyu tauli Muunzi wesu. Peepe. Twa kabikkwa buyo awa, kaindi kaniini. Twe elede kuunka, umwi aumwi wesu, sunumasiku.

<sup>77</sup> Lino amuyeeye. Ikuti na Leza, mu luse Lwakwe, ujisimutumbu, muvwanda muniini kataninga zyalwa, uno sukamina mavitameni, nkabela majwi a mutumbu ala kanana, “Taata, Ndi—Ndi—Ndi yanda kkantalopu, na namunywa. Ndi yanda cintucimwi, cimbi.” Ca zwa ku...Baa, uyo cita zintuzyonse nzya konzya, kujana ceeco, nkaambo ulizi kuti uyanda mwana wakwe kuzyalwa cakulondoka mbuli mbwa konzya kuba. Mwabona? Elyo uyo cita zintu zyoonse nzya konzya kucita, ku cijana.

<sup>78</sup> Nkunji buti Nkwa konzya, ku cijana! Walo Mulengi. Lino amuyeeye obo Mbwa konzya, kutu bambila mubili, kupona mbuli mubili Wakwe Wini wabulemu, ikuti na tu yanda kupona. Kuli cintucimwi muli ndiswe, ciita, kupona. Elyo kuli cintucimwi muli ndiswe eco ciita kucita ciluleme. Mpawo Leza uyo ita muntuumwi aa cibumbili, na cikambaukilo, oyo uya kambauka Bwini humaninide. Nkaambonzi? Mwabona? Cila kutondezya. Mpawo, ikuti na uli mwana wini wa Leza, ulla talika koompolola, “Leza, ko cigwisya kuzwa kuli ndime. Kondi palula kuzwa kuli *ceeci*. Kogwisya zintu *ezi* kuzwa kuli ndime.” Nkaambonzi? Ci yandikana ku Muunzi wako wakujuju oyo ngo unka, oko Nkwa kaunka kuyo bamba. We elede kuba Nabwiinga wini wa Ijwi lyam.

<sup>79</sup> Nda kali kukambauka masiku masyoonto ainda aa cituuzyo, mu mazuba aa mulungo. Nda kali kukambauka aa busena bulikke obo Leza, Mbungano ilikke eyo Leza njayo swaanina muntu mukati, nkabela omo moibede, Wa kati, busena obo Mbwa kabikka Zina Lyakwe. Wa kati, “Nse kaba swaanganyi mu busena bumbi pele busena, mu mulyango oyo Ngwe kabikka Zina Lyangu.” Lino, Ta muswaani mu mulyango wa Methodisti, mulyango wa Baptisti, na mulyango wa Pentekoste,

na kufumbwa wabo. Pele Wa kabikka Zina Lyakwe mu Mwana Wakwe. Wa kati, "Nda kaboola mu Zina lya Taata Wangu."

Kufumbwa muntu uboola, alimwi kufumbwa mwana, uboola mu zina lya wisi. Wa... Nda kaboola mu zina lya Branham, nkaambo bataata bakali Branham. Elyo waka boola mu zina lyako nkaambo eelyo lyakali zina lya bauso.

Elyo Jesu, Mwana, wakasika mu Zina lya Taata. Elyo Wa kati Wa kabikka Zina Lyakwe, "Mu mulyango oyu Ngwe kabikka Zina Lyangu mukati, eco cakali cituuzyo." Elyo muli Jesu Kristo mbo busena bulikke mbo moyo sola kujana luswaanano a a kukomba kuli Leza.

Yebo wati, "Ee, Ndi zulilwa ku mbungano." Eco tacibambi cintu comwe candeene. We elede kuba muli Kristo.

Ii mukutausi umwi wakabungwe, busiku bumwi, kati kuli ndime, kati, "Ba. Branham, amulange awa. Jesu wakati, 'Kufumbwa muntu uusyoma.' I Bbaibbele lyakati, 'Kufumbwa muntu uusyoma kuti Jesu Kristo Mwana wa Leza, wakazyalwa ku Muuya wa Leza."

<sup>80</sup> Nda kati, "Sena Bbaibbele talyaambi akwalo kuti, 'Taakwe muntu ukonzya kwiita Jesu kuti Kristo, cita biyo ku Muuya Uusalala?'" Mwabona? To konzyi kubamba Bbaibbele kubeja. Lye elede kunjilana moonya mukati.

Aboobo weelete kuzyalululwa cakumaninina, ku Muuya Uusalala muli nduwe, oko kupa bumboni, lwako, ulizi kuti Walo Mwana wa Leza. Elyo mpawo ikuti na uli obo, a cibeele; ikuti na uli mwana wa Leza, mu Ijwi lya Leza; mbobuti mbo konzya kukaka Ijwi? Mbobuti Muuya Uusalala mbo ukonzya kukubamba kusyoma kayanza kabuzumini, kuti weelete kucita cintucimwi mbuli *ceeci*, kakuli Bbaibbele lya kaamba cintucimwi cimbi? "Twe elede kusangana mbungano, a kucita *ceeci*, na kucita *ceeco*," kakuli Bbaibbele lila mwaambila cantangalala eco cakucita? Mwabona? Elyo mpawo cindi mwabona Eco, nkabela mwatosotoka moonya muli Ncico, muli a Ncico mpawo. Ku zumanana buyo kutanta, aku komena nconzyo.

Mbuli ii—ii—ii mbuto kaiboola mwida lya mwanakazi antomwe a iji. Elyo mpawo cindi iji eelyo liniini lyatalika kukomena, a kutilika kuzyala nseke, tali bikki mbuto yomwe yabantu, a mbuto ya mubwa, a mbuto ya ng'ombe. Li bikka zyoonse mbuto zya buntunsi.

<sup>81</sup> Elyo cindi mwana wa Leza, cindi oyo wakakanza... Eelyo ndi bbala bbi lya kubelesya, pele ngu Leza. Ndeeli Bbaibbele lya Leza. I kuzibakale kwa Leza kula konzya kukanza, kubamba zintuzyonse kubeleka ku lulemeko Lwakwe. Cindi mbuto eyo yakakanza, eyo njo keelede kuba, nkabela Leza waka kwiita, alimwi sikwaze oyo muniini wa mbuto omuya wakamvwa Ijwi

lya Leza, liyo yaka atala, Ijwi lyomwe atala ali limbi, atala lya limwi limbi, atala lya limwi limbi. Tali kasangani a kayanza kamwi kabuzumini.

<sup>82</sup> Amubone. “Mu milyango eyi, buzuba abumwi, beeleded kulya kakkosha kypy. Alimwi teekwa keelede kuba bumena akati kabo, mu mazuba ali ciloba.” Sa eco cili luleme? [Mbunga yaamba, “Ameni.”—Mul.] I makkalo aa mbungano ali ciloba, mpawo, kwiina bumena, kwiina kayanza kabuzumini, kwiina cintu caka yungizigwa. Ceelede kumaninina kuba cinkwa citakwe bumena. “kwiina bumena buya kujanwa akati kanu, pee.” Bumena buyo, Ijwi Lini, eco cilikke. Alimwi Ijwi eelyo ngu Leza. Alimwi Leza wakaba mu mubili wabuntu, mu ciimo ca Muntu Jesu Kristo, uuli, oyo ngo Mulyango. “Ngooyo Mulyango Ngwe muswaanina, ku kukomba, cindi mwatobela milao ya Leza.”

<sup>83</sup> Nkikaako, ikuti na uli jisi, sunumasiku, boola buyo, kwaamba, “Nda tuula Jesu Kristo buumi bwangu,” alimwi tona tambula Muuya Uusalala; kuboola muli Nguwo. We elede kucicita. We elede kukomena muli Nguwo. Lomba Leza kulundika Ijwi atala lya Ijwi, mbuli boobo, kusikila waba ciimo cizwide ca mwana wa Leza, na mwana musimbi wa Leza.

Kubweza zintu zya inyika? Johane Mutaanzi wakati, “Ikuti na tuyanda inyika, na zintu zya inyika, ngu kaambo kakuti luyando lwa Leza talomo akwalo muli ndinywe.” Mwa kacengwa. Mu jisi luyando lwa inyika awo, nkabela lwa kamucenga, dyabulosi wakacita, ku kulundika zintu alya, a kutondezya. Mwabona? To konzyi...Ee, mpawo, to konzyi kubweza Ijwi lyomwe lya Leza kuzwa mu Bbaibbele.

Ncinzi cakacitya cibi citaanzi? Kutali buyo ku bubeji bupati humaninide, pele nkaambo Eva waka lubila, dyabulosi waka mucitila, Ijwi lyomwe. Ijwi Lyomwe, lyaka tyola nketani, a kukaka kubweza Ijwi lyomwe. Ayo akali matalikilo aa Bbaibbele.

Jesu wakasika akati ka Bbaibbele. Wa kati, “Muntu taka poneni ku cinkwa cilikke, pele ku Ijwi lyoonse lizwa ku mulomo wa Leza.” Eelyo ndi Ijwi mbolizulwa lya Leza. Mula syoma kuti Eco nciyubunuzyo ca Nguwe? [Mbunga yaamba, “Ameni.”—Mul.] I Ijwi mbolizulwa lya Leza.

Mpawo, mu Ciybunuzyo 22, Jesu wakasika kuli Johane, aa kasuwa ka Patimo. Elyo Jesu, “Nde Jesu ndatuma angelo Wangu kulungulula zintu ezi.” Mwabona? “Kufumbwa muntu uyo gwisya Ijwi lyomwe kuzwa kuli Eli, na kuyungizya ijwi lyomwe kuli Ndilyo, Njo gwisya cibeela cakwe kuzwa ku Bbuku lya Buumi.”

<sup>84</sup> Kutali kwaamba buyo kuti, “Ee, Nda—Nda musyoma Jesu Kristo, Mwana wa Leza.” Eco cili kabotu. Mpawo kuyungizya kumwi kuli Ndilyo. Yebo wati, “Nda kalulamikwa. Nda pa janza

lyangu ku mukutausi. Nda syoma muli Jesu Kristo.” Mpawo weeledé kuzyalululwa. We elede kuzuzigwa Muuya Uusalala. Wabona? Zumanane buyo kuyungizya, mbuli mboya kweenda. Muli mukukomena mu ciimo ca mwana mulombe a musimbi iwa Leza. Ma!

Leza, ula konzya kutubamba, a kutupa kusukamina mu buumi bwesu, oko nko tu yanda kubona cintucimwi. Mbangaye omuno bayanda kunji kwa Leza? [Mbunga yaamba, “Ameni.”—Mul.] Baa, ciinka kutondezya kuti kuli kunji kuli kwa ndinywe. Mwabona? Mula kukukamina. Macise anu maniini akuzyala ula boola. Mwabona? Mu yandikana kunji, kutegwa inga twa kkomana, a kwaanguluka, a kulondoka. Twe elede kuba.

<sup>85</sup> Mbuli i—i niini—i nseke niini ya buumi mukuba i...ku camba ca Leza, mbuli buyo, elyo nseke ya buumi ili mu k... mu camba ca banyina. Leza ulimu kukomezya; a kuunka, kwamana, kuyo tubambilila busena, busena Butamani antomwe a Nguwe; kutali busena awo aali ng’anda ya zipenzyo, ili mukufwa, cibi, bumambi, a busofwi bwa nyika awa. Ikuti na mizeeo yako ili ali ceeco, citondezya tacina kusika mu kuswaangana a Leza. Mwabona? Wa kanyanyamukwa. Ujisi kuyeeye kwabube bulubide.

Ko sangana buyo mbungano a kwaamba, “Ee, Ndi zulilwa kuli *eyi*. Baama bakali kuzulilwa kuli *eyo*.” Oko kwayanda kwakali kabotu mu buzuba bwa banyoko, pele tu pona mu buzuba bumbi.

<sup>86</sup> Mulumbe wa Wesley niwa taka...Ta kakonzya buyo kubweza Luther. Luther wakasyoma mu kululamikwa, pele Wesley waka jisi kusalazigwa. Iba Pentekoste bakasika ambali, tiiba kakonzya buyo kubweza kululamikwa, kusalazigwa. Ba, cakali ciindi ca kuboozezya kwa zipego. Lino tuya zwa kuli ceeco. Mwabona?

I zibeeda zyotatwe zya i—i Musaansa kauyutuka. I citaanzi, ndi tuvu liniini, Luther wakayutuka, kuzwa ku lubambululo. Yaa. Eco cakali cikuba. Amulangilile bulenge. Leza a bulenge zila beleka mu buzumanane, nkaambo Leza uli mu bulenge. Mwabona? I citobelaa kuboola, ngalala, poleni, bukkalo bwa Methodisti. Mpawo kwakasika Pentekoste, oh, ma, cakulondoka buyo loko, mwabona, mbuli buyo inseke eyo ya whiiti ilibonya mbuli kuti ngu whiiti ilondokede, museke wa whiiti. Kou jula, taakwe whiiti omuya, pee. Calo ncikwa, ciyumuzyo ca Nguwo, pele obo Buumi bula beleka moonse. Mwabona?

<sup>87</sup> Balo kaindi okuya mu bukkalo bwa Luther baka muzumina Luther. Obo Buumi bwakaindamo, pele bwakaunka a kupanga kabungwe. I cintu citaanzi mulizi, bwakaba buyo bwakabungwe bwa mamanino abo nkumpwa. Mwabona? I cisiko cila yuminina; nciyumuzyo buyo. Bamwi babo bacisola kukkala mu

cikuba eco cakaindi ciyumuna, tabazi cintu cijatikizya Leza, balifwide. Ba lati, “Ee, langa, tuli tuvu. Twa kali Luther.” Mbo mbubo. Pele amulange awo mpo ibede lino. Mwabona?

“Twa kali bana Methodisti.”

Elyo akwalo, “Twa kali bana Pentekoste.” Pele amulange ku Pentekoste, obo mboiya butontola akuba ya tulengwa, obo bantubonse mbo beenda kuzwa. Mwabona? Ino ncinzi? Ca kali ciyumuzyo ca Lunyungu Iwini. Mwabona? Boonse aba bamwi bakali ziyumuzyo, pele bakeenda kuba kabungwe. Ikuti na wati, “Ndili muna Pentekoste,” eco ta caambi cintu kuli Leza kwiinda kuli mbuli kuti wakali muna Katolika wa Roma na mu Juda, na kufumbwa mbo konznya kuba.

<sup>88</sup> We elede kuzyalwa, obo Buumi bwaka boola kwiinda mu ciyumuzyo eco okuya. Uta kkali mu cikuba. Muta kkali mu lunyungu. Kozumanana ncobeni kuya ku cibeela cilondokede.

<sup>89</sup> Lino, amuyeeye, a lubambululo loonse ndo twa kajisi, ali boonse abo bana Lutherani abamwi bambi, mu myaka yotatwe baka bunganya. Mbo mbubo. Lubukulusyo loonse lwakaleta kabunga mu myaka yotatwe.

Amuyeeye olu kuti Iwatola ciindi cilamfu buti kalu zumanan, myaka inda ku twenti faivi, nkabela taakwe kabunga. Nkaambonzi? Ni Mbuto, kaiboola, kaibumbwa kunsi lya cikwa, mbuli obu. Kubikkidwe kabotu, lino yeelede kulala mu Busyu bwa Mwana, kuti ibizwe kuba museke wabulemu mbuli Imwi yakaunka mukati lutaanzi. I Mbungano ini yaka selemuka, lutaanzi, ila jokela nkoonya kwiinda mu cisiko, ku kuyutuka, mbungano imbi, cindi muncini uutebula waboola kuzi Ibweza. I Buumi obo bwaka selemukila muli Luther, Buumi obo bwaka selemukila mu Methodisti, i Buumi obo bwaka selemukila mu Pentekoste, buyo boola mu museke. Boonse buya njila moonya mu museke, a kuyutuka, kupanga Mubili uulondokede wa Jesu Kristo.

<sup>90</sup> Mboli buyo zuba mboli pasuka, lya kuseeni. To konznyi kulanga bulenge citakuti bwalungulula Leza. To yandikami akwalo Bbaibbele, kuziba kuti kuli Leza. I zuba liniini lyazyalwa, muvwanda muniini uukompeme. Kutandila seveni okuloko, waunka, watalika kuya ku cikolo. Teeni na ileveni okuloko, wa kotoka. Twelufu okuloko, ili mu nguzu zyazyo. Thrii okuloko isikati, liya bucembala. Seveni na eiti, sikisi... Faivi na sikisi okuloko isikati, liya budimana makuko. Lya fwa. Sa ayo mamanino a ndilyo? Peepe. Ulila buka alubo cifumo citobel. I buumi, lufu, kuzikkwa, bubuke!

<sup>91</sup> Amulange matu aboola a samu. Ala sonsa, matu, mabotu eebeka; kuleta cimvule; lila zyala micelo yalyo. Citobela, cintu citaanzi mulizi, butololo bwasika, bwa auma, lufu; wa selemukila mu miyanda, mu bulongo alimwi. Sa ayo mamanino

awo? Ciindi citobela waa jokela ncobeni ku kulungulula. Oh! Obo mbuumi buzumanana.

Pele, mukwesu, mucizi, tu jisi Buumi Butamani. Tu jisi Buumi Butamani kwiinda muli oyu Umwi mupati Oyo wakasika, wa kaunka, ula konzya kutu bambila mubili. Elyo aya macise aakukomena ngo tulimvwa, mbuli ndinywe nobanakazi nomulimvwa kusampaulwa kuli ceeco nco mucita, nywebo nobaalumi nomu jatilila ku njiisy oza maseminari, azimwi zimbi, nyoonse muyanda kwaamba kuti, “Nda—Nda loolola kwaamba kayanza aka kabuzumini. Nda cita eci.” Pele kuli cintucimwi kunsi kwini muli nduwe, cindi wabona meso aa boofu kaajuka; basinkemati kaba—... boofu. Zintu ezi zyoonse zyaka syomezegwa. Wabona Ijwi kali kambaukwa mu nguzu Zyalyo. Wabona sibwaamu, kuzwa mu kagwagwa, kabambwa kuba mulindu. Mwabona ii—kubona mukolwi kazwa omuya, a kuba musalali wini wa Leza. Ma! Wabona? Kuli cintucimwi, Buumi omuya. Elyo wa katalika kulimvwa, “Ee, ndiza Nse elede kucita ceeco.” Pele, mwabona, mbo cibede, ncintucimwi Mubili wako oko kutala nco ubulide. “Ko boola.” Pele Leza uli jisi mavitameni moonya mukati *Om* akabeela koonse ka Mubili oyo. Jesu wakainka kuyo bamba busena mu camba ca Leza; iifyi, munene, nseke niini, mwana wa Leza, mwana mulombe na musimbi muniini wa Leza.

<sup>92</sup> Jesu wakalomba biyo cintu comwe, mu mupailo Wakwe kuli Taata. Nywebo mulizi eco mbo cakabede na? Cintu comwe, kumane cituuzyo Cakwe coonse eco Nca kacita ano aa nyika, buumi obo Mbwa kapona, kazila Nka keendela. Wa kalomba cintu comwe, “Kuti awo Nkwe bede, kuti bakabeko abalo.” Wa kalomba luswaanano lwesu. Eco nce cintu cilikke Nca kalomba Taata mu mupailo, mulongwe bwanu bwalyonse. Ikuti na muyanda kubala eci mu Musalali Johane 17, kampango ka 24. Mpawo nkunji buti nko tweede ku Mu yanda? Ikuti na Ula yanda...

Lino amuswiilile. Ikuti na mwa kazyalwa ncobeni ku Muuya wa Leza, eco caamba zintuzyonse kuli ndinywe. Mwabona? Ta lili bbuku limwi lya milao. To poni milao ili yoonse a zimwi zimbi. Muponena ku luzyalo lwa Leza, Muuya wa Leza.

<sup>93</sup> Nda kacaamba eci kanji. Mboli missionari, inga Ndino unka ku masi alandukwa lwizi. Ino kuti Nda leta mukaintu wangu mukati, bana bangu, “Lino amulangisye awa, nobana! Swiilila awa, Muka. Branham! Ndili mulumi wako. To kabi a balumi bambi kuciindi Ne ntako. Ikuti na wacita, Njo kujaya cindi Nda akujoka ku muunzi”? Uh-huh. Mwabona?

Kajintauka tende lyangu, “Nobana, amumvwe eco Nce wamba?”

“Inzya. Iiyi, taa. Iiyi, taa.”

“Sa muyo ndimvwisia nsotoko yomwe? Mwabona?”  
Mwabona? Lino, sa oyo inga tii waba muunzi?

Lino ino kuti wati, “Lino, yebo moonse, munene? Lino Ndi yanda ku kwaambila cintucimwi. Ba. Branham, Ndili mukaintu wako uukwetwe cakumulao! Tokabi a beenzinyoko bali boonse kuciindi notako, akwalo”? Lino, sa oyo inga tii waba muunzi? Lino, eco inga caba cintucimwi.

Ta tuciti obo. Nda muyanda, alimwi ula ndiyanda. Cindi nazi kuti Nda unka, ulizi kuti Nse inki citakuti Mwami wandiita kuunka. Tula selemukila aa cibuye, a ku leta bana koonse. Twa komba. Nda ti, “Oyandwa Leza, ko mamela mulongwe wangu muniini, bana bangu.” Ba lati, “Leza, komamela taata kuciindi twa tanoliko, kuciindi natako.” Elyo mpawo cindi twa kwiinka okuya...

<sup>94</sup> Lino, ino kuti Nda cita cintucimwi cilubide okuya? Ino kuti Nda sotoka, kucita cintucimwi cilubide? Elyo Nda kajoka a kuunka ku mukaintu wangu oyo muniini utakweankwaya, kwiima awo a kulanga busyu bwakwe kabusutana, a masusu akwe kaaba aamvwi, Nde enda kumbele a kwaamba, “Oyandwa, Ndi yanda ku kwaambila cintucimwi. Yebo ulizi Nda kuyanda.”

“Masimpe, Bill, Ndi lizi ula ndiyanda.”

<sup>95</sup> “Nda kwaambila eco nce Nda kacita. Nda katola musimbi umwi ku muunzi.” Nda—Nda amba, “Sa ula ndijatila kuli ncico?” Nda syoma inga wacita. Nda cita ncobeni. Pele sa inga Nda cicita eco? Cindi Nda langa, nkeimvwi alya, kubona masusu kaaba amvwi, a kuziba kuti wakaima akati ka ndime a buleya, elyo Ndi lizi obo mbwakali mukaintu wini, sa inga Nda cicita eco? Inga—Inga ndasala kufwa kwiinda kumucisa. Inga ndacita.

Elyo ikuti eco, mu luyandisyø lwa phileo ku mukaintu wangu, nkunji buti maningi luyandisyø lwangu lwa agapao kuli Leza! Oh, inga Nse cita cintu caku Mu cisa. Nee ncobeni. Ndila—Ndila Mu yanda. Ndi yanda kucita zintuzyonse ezyo Nzya—Nzya yanda kuti ndicite. Ndi yanda kweendelana a Ijwi lyoonse eelyo Ndya kaamba, takukwe makani eco nyika nco yaamba. Taba, taba ka Ci syomi, nekuba. Ndi yanda kuziba eco Nca kaambila ndime kucita. Elyo ikuti na Nda bula cintucimwi, Ndi yanda kuti Acipe kuli ndime. A kuponena Nguwe, kuli tantamuna ku inyika.

<sup>96</sup> Oyu mibili waansi wakaindi awa weelete kuli wa... Andi mwaambile. Oyu mibili waansi ngo yeeya kunji loko, kuti oyo ngo likozyanisya a Hollywood. Uli munsi loko kuli nguwo. Ta ukabiko kwa ciindi cilamfu. Mula yeeya. Mwa kacimvwa cisinsime, mwabona, eco Mwami nca kandipa, “Ciya kunsi.” Iiyi, munene. Amubone. Ciyo cita. Amu langilile buyo. Lino, Tana ndaambila cintu cilubide, pe. Ndiyo bweza ceeco ku muntu uli oonse oyo uyanda kwaamba. Ta ndizi cindi na kuli, pele

waa nyonyooka. Lubeta lula lengelela aatala aali njiyo. Kwiina lununuko lwa njiyo; lwa kamana. Mwabona?

<sup>97</sup> Lino amuzyibe eci. Amuponene Nguwe, kuli tantamuna lwesu ku inyika. Lino amulange. Amu lange televizhioni, nobamwi bacizi, nkabela mula selemuka awa nkabela mula yanda, nywebo nobanakazi bakubusyi. Muli bakubusyi. Ndi lizi obo. Pele muli Banakristo. Mwabona? Uli andeene. To yandi kuba mbuli inyika. Ula iyandisya inyika. Tamuli biyo ndinywe nobana bakubusyi; nobamwi banu bapati. Mwabona? Ee, ino eco cicita nzi? Mwabona? Amu langilile televizhioni, mula inka kunselelo ku cintoolo, mula bona zisani ezi ziniini zyakaindi ezyo banakazi nzo basama, zitali zya bunaleza.

Sena mulizi eco ciyo citika ku Buzuba bwa Lubeta? Inga koli mubotu buya mbuli mulumi wako mbuli mbo konzya kuba, pele mu Buzuba bwa Lubeta uyo peda bwiinguzi bwa kucita bumambi. Jesu wakati, "Kufumbwa oyo ulanga mwanakazi caku musukama wacita kale mamambi anguwe mu moyo wakwe." Nguni weeledge kupegwa butongo? Yebo. Wabona? Wa kalitondezya lwako, mu zigonkolole a tulukwe.

Mwanakazi umwi wakati kuli ndime, kutali ciindi cilamfu cainda, kati, "Nse sami zibbudula, Mukwesu Branham. Nda lumba Mwami kuli ceeco. Ndi sama tulukwe."

<sup>98</sup> Nda kati, "Eco ntubyaabi kwinda." Eco ntubyaabi kwinda. Mbo mbubo.

<sup>99</sup> To konzyi akwalo kuula dreesi, nokuceya, lya mwanakazi. Waa kati, mwanakazi umwi wakati, "Ee, waamba bwini. 'To konzyi. To konzyi ku lyuula.'" Pele ba cisambala zintu alimwi bali jisi mincina ya kusumya. Mwabona? Aboobo kwiina ntamizyo, pee. Mwabona? Mwabona?

Ciinka kutondezya, mucizi. Ndili munyoko. Alimwi Ndili mulanda kuli Kristo, oyo weeledge kuya kwiingula ku Mungwala wa Lubeta kuli ceeco Nce wamba awa sunumasiku. Wabona? Uyo ima, akuzulwa kwa mamambi, nkaambo kakuti luyandisyo lwa Leza lwazwa mu moyo wako. Yebo uciinka ku cikombelo. Inga kocizyana mu Muuya. Inga ko cikanana mu myaambo. A zintu ezyo zili kabotu, pele eco tacili Ncico pe. Peepe, munene.

<sup>100</sup> Amuyeeye, Bbaibbele lya kaamba kuti, "Mu mazuba aamamanino kuyo boola Bakristo babeji," kutali Bajesu babeji. Inga taba ka ciiminina eco. Pele, "Bakristo babeji," bantu bananikidwe-babeji. Bali nanikidwe ncobeni a Muuya, a Muuya Uusalala, nkabela kaba cili babeji. Mwabona? Kuli bobilo...

<sup>101</sup> Kuli bantu botatwe muli nduwe. I caanje mubili. Uli jisi magano osanwe, ayo ngo kwabana a muunzi wako waansi a ceeco. I mukati muuya. Kuli magano osanwe alya, luyandisyo a manjezeezya, azimwi zimbi, nzo kwaba. Pele mukati ka ceeco bwalo mbuntu.

<sup>102</sup> Amuyeeye, “I mvula ila wida baluleme a bataluleme.” I mvula njionya iyo panga museke wa whiiti kukomena ibamba nsoke kukomena ayalo. Mwabona? Ino ncinzi? Mukati ka mbuto eyo mbulenge, alimwi bulenge obo bula zibya, bula lizibya bwini. Inga yaima mu muunda omwe, mpoonya awo a nsaku. I nsaku a whiiti zilaima antoomwe, kazisekelele mbubonya buyo. Mutwe wayo uli kensi. Walo uwanyota ya cakunywa. Cindi mvula yasika, nsoke inga yaongolola cakumvwika loko mbuli whiiti mboi konzya. “Pele kwiinda ku micelo yabo moyo baziba.” Mwabona?

<sup>103</sup> Banakristo, kwayanda Nse kamuboni alubo. Mwabona, yakali myaka kuzwa Ne kali okuno. Kwayanda nseka muboni alubo. Mweendelana a Ijwi ly Leza. Amulange mu ciboniboni.

Mbuli mulombe muniini ciindi cimwi, wakali mu cisi, takalina bona ciboniboni. Wa kaboola ku ng’anda ya auntie bakwe—bakwe. Wa katalika kweenda kutanta matantilo. Wa kabona ciboniboni, alimwi wa kabona mulombe muniini mu ciboniboni. Wa kazumanana kweenda kumbele, kalanga. Elyo wa kali kunga wayumba, elyo mulombe muniini wakali kunga wayumba. Elyo wa kazumanana kulanga. Taka lina libona mwini mu ciboniboni. Aboobo cindi na kaswena munsi loko kuli ncico, wa kanyona, kati, “Baa, Baama, uulya ndime!”

<sup>104</sup> Mbobuti mbo langa, mu ciboniboni ca Leza? Sena citondezya mwana musimbi na mwana mulombe wa Leza? Sa kuli cintucimwi, eco, wa mvwa Ceeco, sa cikubamba kusulaika muntu oyo Uca amba? Na, sa kuli cintucimwi cikwela, kwaamba, “Ndi lizi kuti muntu uli luleme nkaambo eco cili mu Lugwalo”? Mpawo, ayo mavitameni ayandikana ku mubili oyu wakasalwa kuba kokuya, ng’anda eyo imwi imbi iyo yandikana cindi wa kusika okuya. Wabona? “Eyi ng’anda; ikuti na twa kazyalwa ba nyika.”

<sup>105</sup> Lino amuyeeye, tu yeeya kunji loko ku mubili oyu. Tu samika zisani zinji loko. Tula cita zintu zinji loko, ezyo, zita yandikani, kucinca kumane kucinca kumane kucinca, a zintu ezi zyoonse. Elyo—elyo, oh, nca boонse buyo.

Lekela buyo muntuumwi atalike cintucimwi. Wa penta matantilo ako kusubila nkabela langilila bana Jones bapenta abo kasubila. Ula cinca kuzwa ku Chevrolet kuyaku Ford, nkabela taba konzyi ku cizunda. Nciindi ca ceendelana. Wa kalekela i... Wa lekela mwanakazi kuboola ku mbungano, musyobo umwi wa ngowani, langilila banakazi boонse baya kuula eyo; kapati mukaintu wa mweembeli, mwabona, amulangilile buyo eco cicitika. Lino, obo mbwini. Obo mbwini bumaninide. Nciindi ca kweendelana. Mukwesu, ceelede ciindi ca kweendelana. Elyo zyoonse zyalo—zyoonse zintu nzya—nzya bukanze.

Ta ndikwe makani na bbaki lyangu lileendeleana a bulukwe bwangu. Elyo Ndi jisi ciindi ciyumu. Mukaintu wangu na muka

mwanaangu, umwi, weeledge ku ndaambila musyobo wa—wa tayi wakusama andilyo. Ta—Ta ndikwe makani na zileendelana, nekuba. Ndi yanda luzibo lwangu kweendelana a Ijwi lya Leza. Eco nce cintu, nkaambo mpe mpawo Mpe kanza kupona; kutali kunselelo ku kkona kulaale a bana Jones, pele kulaale mu Bulemu oko Jesu nkabedea, nkwa kainka kuyo tubambilia busena. Iiyi, tu yanda ceeco. Iiyi, munene. Mutantamuke kuzwa uli ceeci conse.

<sup>106</sup> Eci cilao caansi cakaindi awa, nywebo mulizi mbo cibede? Oyu mubili uli mbuli bbaki lyakaindi ndyo sama, bbaki ndyo kasama ciindi cimwi. Pele lino muli jisi limwi bbotu loko, tocili belesyi limbi. Ino ucita nzi? Ula ligwabika mu kampetu, nkambo ujisi bbotu kwinda. Ujisi bbaki bbotu kwinda. Lileendelana ku busyaasunu kwiinda limwi ndyo kali kusama, lya kazakala. Inzi? Calo ncikobela eco. Uli wa mukati ka ceeco awo. Eco cikobela cakacita biyo nzi? Ca kabweza cinkozya cako. Wabona? Pele to cili yandi limbi lino. Wa kali kwabika atala. Lyakaba lyabuyo.

Elyo nje nzila oyu mubili wakaindi mbo ubede, yebo, wazyalala cinkozya ca kujulu. Nekubaboo, toli nduwe. Uli mukati ka mubili oyo. Yebo, Muuya wa Leza, uli mukati ka mubili oyo. Eco nce cibamba caanze kunjila mu kweendelezegwa, nkaambo ca mukati cila kukwela, mwabona, ku cileta mu kweendelana a Ijwi lya Leza; mukati kako, yebo lwako, bube bwako.

Oyu mubili ndi bbaki buyo lyakaindi. Elyo buzubabumwi, ino uyo citanzi a ndilyo, nkambo wa kali—kali buyo mu cikobela kwa kaindi kaniini? Eco cili mbuli cikobela canyika; mubili oyu. Mubili wako—wako wini, lwako omwini, uli mukati ka bbaki eli lyakaindi ndyoita kuti William Branham, na Susie Jones, na kufumbwa na nguni. Mwabona? Buzubabumwi liya kwaanzikwa mu hoolo ya nyika ku kwiibaluka nduwe. Uyo cibikka kulaale mu cuumbwe, nkabela muntuumwi uyo bikka bbwe lyacuumbwe atala, “Mpaawa kulede Muf. *Niini-a-niini*, na Johane *Niini-a-niini*, na *Niini-a-niini*.” Liyo bikkwa mbuli ciibalusyo cako. I bantu baka kubona buyo muli *ceeci*. Alimwi obo mbo kabede, yebo wini, wakali ca mukati ka ceeco. Pele bbaki lyakaindi, lini, buyo “lyakaba a cinkozya ca Kujulu.”

Oh, nobantu, sa mwakabamba kuyobozya kwa kucinca mabbaki? Sena wakabamba kuyobozya kwaku Julu? Amuyeeye, mweelede kuba a kuyobozya. Ta mukonzyi kunjila kakutakwe mbubo.

Nda ambaula kuli ndinywe mu cisyobo cabusyaasunu, eco nco muzi. Ikuti na waunka ku hotela, kwaamba, “Ee, Nda kajisi i . . .”

<sup>107</sup> “Sena wabambya kuyobozya? Ee, Nda usa. Zintuzyonse zyazula.” Uli aanze mu tontola, nkaambo wakakilwa kubambya kuyobozya.

Elyo ikuti na wasika ku mamanino aa lweendo lwa buumi bwako, kakutakwe kuyobozya, taku kabi Umwi uya kukuswaana. Uyo elela kuleya kuya mu Butamani musiya oko kuyooba kukwiila, a kulila, a koomoka, a kuluma ntwino. Yebo ueede. To konzyi kunjila mu Munzi, yebo, nkaambo tojisi kuyobozya. We elede kuba ambubo, kunjila Munzi, oko Jesu nkwa kaunka kuyo mubambilila busena. Amuyeeye, mweelede kuba akuyobozya, a cikobela ca lufutuko, kacisamidwe. To konzyi.

<sup>108</sup> Muli Matayo, Ndi jisi Lugwalo awa. Ndi langilila Lugwalo, Matayo, twenti- . . . 22:1 kusikaku 14. Nse jisi ciindi ca kulubala, nkaambo ciindi ciya bumana. Nda ambaula kwa ciindi cilamfu, kuli ndinywe. Pele amuyeeye, mwaami wakatuma a kubamba cilalilo. Wa kajaya basune bakwe boonse, a—a kubamba boombe neneede a zintuzyonse, kajisi cilalilo cipati cakabambwa. Elyo wa katuma, alimwi wa katamba banji kuboola.

Umwı wakati, “Ee, yebo ulizi, nekuba, Ndi zulilwa kuli *eyi*.” “Elyo Ndi jisi *eyi*.” “Nde elede kuunka a mpulazi yangu.” Elyo umwi wakacita zintu zinji. Elyo wa katuma alubo, nkabela baka zibisya bubi. Elyo kumalekelo . . . Eyo yakali nzyalani yaba Juda, Jesu nja kali kwaambila. Ba kajisi cintucimwi cimbi cakucita.

Mpawo, kumalekelo, wa katuma mukati, “A kwaamba . . . Kamuya. Muta buyo . . . Amu basungilizye buyo. Kamuya mu tugwagwa a migwagwamipati, a koonse, a kubasungilizya kuboola kuti banjile.” Elyo kumane boobo, kakanzide kuti ng’anda yakwe yakali . . . Cilalilo cakwe ca mucado cakali kuyo bambwa. Kwakali kuyooba batambe okuya.

Elyo mpawo wa kajana muntu omuya kakutakwe cikobela ca mucado. Wa kali kuyanda kujatilila ku bbaki lyakaindi. Elyo langa eco nca kaamba. “Mweenzuma, Ne kamana kukutamba ku cilalilo cangu ca mucado, elyo Nda kakutamba a kukupa kutambwa kwa kuboola!”

<sup>109</sup> Elyo ikuti na mwakasola kuba Kunyika ya kujwe, oko Nkwe kakambauka omuya ziindi zinji, eco cilalilo ca mucado cicitwa mbubonya buyo mbo cakabede. I sibwiinga, kuti, boonse, uli jisi batambe banji abo mbaya kutambula. Antela, Mukwesu Kopp, antela waka cilangilila omuya mu India. Mwabona? Bali jisi batambe banji loko abo mbaya kulomba; kwaamba uyo kulomba batambe bali makumi otatwe.

Lino, sibwiinga weeledé kupa zikobela. We elede ku zibamba, nkikaako kuli muntu wiimikila ku mulyango. Elyo waboola a kutambwa kwako. Ula langalanga kutambwa kwako a kukusamika cisani, cikobela. Kuti, bamwi babo bali vubide, alimwi bamwi babo mbacete, alimwi bamwi babo baliindene, pele boonse balibonya kukozyanya cindi ba sama zikobela ezi. Boonse balibonya kukozyanya.

Elyo mweelede kukozanya nyoonse. To kabi, kwaamba, “Ndili muna Methodisti abusena *awa*. Ndili muna Presbyteria *okuno*.” Oh, peepe. To kanjili mukati, mubusena butaanzi. Wabona?

We elede kaboola ku Mulyango. Jesu wakati, “Ndili Mulyango ku Cimpati ca mbelele.”

“Ndili muna Pentekoste. Ndili *obu*. Ndili *obo*.” Eco ta caambi cintu comwe.

Wa kaboola kwiinda ku Mulyango oyo. Elyo ikuti na waboola kwiinda ku Mulyango oyo, uyo bweza cikobela.

<sup>110</sup> Elyo oyu muntu, cindi na kati, “Mbobuti mbo njila omuno, mweenzuma?” Mwabona?

Ca katondezya kuti wa kaboola mu nzila imwi iimbi, a kunjila mu mpulungwido, kanjila ku nzila ya kunze, pele kutali ku mulyango; kutali ku Mulyango, nzila eyo Jesu nya kabooleta, kwiinda ku cituuzyo-lwaco; kupa koonse kwako kuli Leza, a kweenda ku Kalivari a kubambulwa a Nguwe. A kubuka alubo, kusama cikobela Cakwe ca cituuzyo a lufu ku zintu zya inyika.

<sup>111</sup> “Ikuti na tuyanda inyika, na zintu zya inyika, luyandisyo lwa Leza talumo nolumuba muli ndinywe.” Mwabona? Ikuti na mucijisi luyando lwa nyika, tuyanda kulilemeka mbuli inyika, a kucita mbuli inyika; nywebo musola . . . uli . . . Nekubaboobo, muli mu mbungano, pele nsoke mu cibuwa antomwe a whiiti; koongolola a bamwi babo, kutangala a bamwi babo. Zyonse zilongezyo zya kumuuya zili ali ndinywe.

Yebo wati, “Ee, Nda sinsima.” Mburonya Kayafasi mbwakacita. Mburonya Balamu mbwa kacita. Eco tacikwe cintu . . .

<sup>112</sup> “Ndi jisi lubbizyo, Muuya Uusalala.” Eco ta cijisi cintu cakucita a ncico. Eco ncipego buyo cakaindi kaniini kuli nduwe.

I cipego cini mbuntu bwako kunsi omuya, wabona, obo bwakazyalwa kwa Leza, a bweendelezya cintu coonse ku Ijwi Iya Leza a luyando lwa Leza. Elyo mpaawo ula komena, wabona, mpaawo uli mwana mulombe a musimbi iwa Leza. Uli mwana wa Leza. Elyo zintu ezi, mbuli mbo kumena . . . Mboli mutumbu, lino muli mu mala aa nyika, kusola kuyutuka. Uli mwana wa Leza, koyutuka, nkabela wabona Ijwi ka lyaamba kuti, “Nde elede kucita *ceeci*. Nde elede kuzyalululwa.”

“Ee, Ndi zulilwa ku mbungano.” Eco ta caambi cintu comwe. Wabona?

“Ndili muna Methodisti; baama bangu.” Eco ncibotu kuli banyoko.

<sup>113</sup> “Ee, ma, Ndili muna Pentekoste, Ndi zulilwa kuli eyo.” Ikuti na to endelani a Ijwi eelyo, kuli cintucimwi cilubide. Wabona? Mpawo, yebo wabona, uso wini tali Leza. Mwabona?

Nkaambo, oko kutilika kwini mu buntu bwako, kakutanaba akwalo muuya, bwakali buntu bwako. Obo buntu tii bwakazwa kuli Leza, mpawo tii yakali mbuto ya Leza, ku kutilika. Wa kacengwa. Uli mu cibuwa ca nsaku nkabela upa bulunguluzi bwa inyika ya nsaku iyutuka. Kulilemeka mbuli inyika, kuyanda inyika, nkaambo kakuti luyandisyo lwa Leza taluli muli nduwe.

<sup>114</sup> Elyo lino kuyooba bantu bananikidwe babeji mu mazuba aakumamanino, kutila Jesu mubeji. Niba taka ciiminina eco. Pele, “babeji,” bananikidwe. Bali nanikidwe, iifyi, munene, pele balwana Kristo. Bali nanikidwe a Muuya, kucita zitondezyo a zigambyo ezyo Kristo nzya kacita, pele taba keendeleni a Ijwi Lyakwe. Mwabona?

“Banji bayo boola kuli Ndime, obo Buzuba, a kwaamba, ‘Mwami, sa tii Nda kasinsima, a kutanda madaimona, mu Zina Lyako?’”

Wa kati, “Amuzwe kuli Ndime, nywebo nomucita milandu. Nse kamuysi akwalo.”

“Nda kali muna Pentekoste, Mwami. Bulemu kuli Leza! Nda kaongolola. Nda kaambaula mu myaambo. Elyo Nda kabikka maanza aa balwazi, aku baponya, katanda madaimona.”

“Amuzwe kuli Ndime, nywebo nomucita milandu. Nse kamuysi.”

<sup>115</sup> Mwabona eco nce Ndi pandulula? Oh, nobana baniini, sena mulimvwa kubula kwa vitameni eelyo sunumasiku, kuti cintucimwi? Kuli mubili ulindila kulaale. Kuli mubili ulindila kutambulwa. Nobantu, muta cengwi. Muta cengwi. I dyabulosi walo mucengi. Acalo i—i cikobela ca mucado, mweelede ku Ci sama. Ci leeledede kuba.

<sup>116</sup> Lino tuli ku ciindi caku mangolezya. I mubili waansi uli libambilide lino kumwaika, alimwi tuli bambila kunjila Wakujulu. Alimwi lino tulimvwa kwiitwa kweenzu, kwa Leza, kuunka ku Edeni eyi mpati. Elyo katutana konzya kuzyalwa awa, mibili yesu misyoonto ya kalilila cintucimwi eco—eco cakeelede kupegwa, na inga twaba bana bapengede okuno ikuti na tii twa kali obo. Leza takwe mafwabi kujulu okuya. Bali, umwi aumwi, kweendelana kabotu, Nabwiinga mbubonya buyo mbuli Simusa mbwa kabede, Ijwi lyakayubululwa mu ciindi Calyo ceelede. Leza kopa, sunumasiku, bana, umwi aumwi wanu! Ndeelyo Julu lya kwiinka. Kuli gehena ya kutantamuka.

<sup>117</sup> Lino, bunji bwanu mulizi kuti Mwami wandipa zilengaano, zyuulu zyazyo. I cintu cipati maningi... Nda kali kuyoowa lufu. Kutandila myaka yotatwe yakainda, mwa kabona Bantu Basimakwebo Banakristo, *Kwiindilila Cisitilizyo Ca Ciindi*. Nda mvwisya kuti inga Nse pona masiku aya. Kwayanda nseka muboni alubo mu buumi bwangu okuno, pele obu mbwini.

Ta-Ta ndizi naa inga Nda ita ceeći kuba cilengaano, na mbo cakabede.

Cifumo cimwi, calino, Nda kali... Nda kazwaa kusinsimuka. Nda kaboola kuzwa ku miswaangano. Elyo mukaintu wangu wakali lede alya, kaona. Nda kati, "Oyandwa, sa wasinsimuka?" Waa kacili koona. Ndi lizi twa kacita kuya kutala, kubweza bana kuzwa ku cikolo.

Elyo Nda kabikka maanza angu ku makosi, mbuli *obu*, elyo Nda kati, "Ee, kwaamba, Bill Branham, sena ulizi kuti wakainda ku makumi osanwe? Yebo, ikuti na uyo citila Mwami cintucimwi, ncibotu wabinda, nkaambo to jisi ciindi cinji loko." Nda kayeeya, "Ma, Ndi lombozya kuti inga Nda pona kubona Kuboola kwa Mwami Jesu."

Nda kali cijisi mu mizeeo yangu lyoonse, kuti—kuti cindi twaa kufwa, Ndiya kubona, mbuli, mukwesu *awa*. Inga ndaamba... "Inzya, wa kakambauka mu mbungano yangu, busiku bumwi ansi aa nyika, Mukwesu Branham." Pele, walo—walo muuya, Nse kakonzya kusukana janza lyakwe, nkaambo janza lyakwe lili omuya mu cuumbwe, kubola kumaninina, mwabona; lyangu, alyalo. Nda kali zibide kuyeeya booboo.

<sup>118</sup> Pele cifumo eco, cindi, Nda kamvwa Cintucimwi caka ndivumpa, elyo Nda kayeeya... Kanji, mbuli cilengaano mbo ciboola. Elyo Nda kalanga, elyo Nda—Nda kalanga. Nda kayeeya, "Ma! Ncinzi eci?" Elyo Nda kalanga, zilundu, zipati zya girini. Elyo banakazi bakubusyi bakali kuzwa kumasena oonse, ku makumi aa zyuulu, a myaanda ya zyuulu. Elyo boonse bakali kuboola, masusu malamfu kalengelela kusule lyabo, kabasamide zikobela zituba, katasamide mabbusu, kabakwiila, koongolola kuti, "Mukwesu wesu!"

<sup>119</sup> Nda—Nda kayeeya, "Lino, eci nceenzu." Nda kanyona a kulanga. Elyo mpaawo Nda kalilede mpoonya awo, nkabela mpaawo kwakali mukaintu wangu, kalede awo aa bulo. Elyo Nda kati, "Lino, uli zyi cintu na? Nda kafwa." Nda kati, "Eco, eco nce cakacitika. Nda—Nda kafwa." Elyo Nda kati, "Kwayanda ndaka jisi kulwanwa kwa moyo, na cintucimwi. Nda kafwa. Mpaawo kulede mubili wangu." Ndali kkede buyo alya amaanza angu ku makosi, mbuli *boobo*, nkeyuminide buyo. Nda kayeeya, "Ayo taali tukokola tuli makumi obilo kuzwa kuli ndime." Elyo mpaawo Mpe kabede, nkelanga. Nda kayeeya, "Eco... Ngooyo mukaintu wangu okuya. Okuya, kuli zintuzyonse. Ndeelyo shaati lyangu kalilengelela okuya aa munsende wa bulo aalya." Elyo Nda kayeeya, "Mpaawa Mpe bede."

<sup>120</sup> Nda kalanga koonse alubo, nkabela aba banakazi boonse bakali kuboola. Elyo ba kali... Nda kalanga, kakuboola nzila *eyi*, elyo mpaawo kwa kaboola bakwesu bangu. Oh! Balo mbenibeni. Boonse babo bakali kuboneka kuba baalumi

bakubusyi. Ba kali kukwiila kuti, “Mukwesu wesu muyandisi!” Oh, Nse zyi ca kuyeeya.

<sup>121</sup> Nda kayeeya, “Eci nceenzu.” Nda kacebuka, nkabela Nse kali mudaala. Nda kali mukubusyi. Nda kayeeya, “Eci ncintu ceenzu.” Nda kayeeya, “Sa eci ncilengaano?” Ndaali kunga ndaluma munwe wangu. Elyo Nda kayeeya, “Peepe. Tauli musyobo wa cilengaano Nce kajisi.”

<sup>122</sup> Mpawo, awo, Cintucimwi cakatalika kwaambaula kuli ndime atala *awa*, a kuti, “Wa kanjila a bantu bako.”

Nda kayeeya, “A bantu bangu? Sena aba boonse mbana Branham?”

<sup>123</sup> Wa kati, “Balo mbasanduki bako kuli Kristo.” Alimwi aba banakazi . . .

Nywebo mulizi kuti lyoonse Nda kalanganisigwa, ku kaambo kakuti bakali kundiita kuti “sikusulaika banakazi,” pele Nseli obo. Mwabona? Nkaambo, Nda syoma . . . Nse—Nse—Nse yandi cisapi, kutalilemeka kabotu. Nda bayanda bacizi, beni ncobeni iba Kristo. Ikuti na nzila eyo, ncibotu.

<sup>124</sup> Nda kajisi mbata zimwi cindi Ne kali mwana. Ndi lizi zintu zyaka citika zyaka baanga zyandi yonena munzila eyo. Pele wa—wa kali Leza onse, kabamba, kundi bumbila oora eli. Mwabona?

<sup>125</sup> Ndi yeeya kuti mucizi, wini ncobeni, taakwe cintu cibotu loko cili coonse. Ikuti na Leza wakonzya kupa mwalumi kufumbwa cintu cibotu kwiinda lufutuko, inga Wa mupa mukaintu. Mwabona? Elyo aboobo, mpawo, ikuti na Wa konzya kupa cintu cili coonse cibotu, inga Na kacicita. Elyo mpawo kubona bamwi babo kaba nyona a kulilemeka akwalo mbuli bamakaintu, kutasyomeka ku zikonke zya lukwatano lwabo, a balumi babo mbubonya. Amu yeeye, mulaangidwe kufumbwa kuti kamupona, kuli umwi aumwi. “Eco Leza nca swaanganya aa nyika, caka swaanganisigwa ku Julu akwalo.” Mwabona?

<sup>126</sup> Elyo aboobo mpawo Nda—Nda kabona ceeco. Elyo aba banakazi bakazuza kumbele nkabela bakali kundi gwambatila, a kundi bukata, a kundiita kuti, “Mukwesu!” Lino, bakali banakazi, pele taku konzyi kuba cibi mu busena obo. Mwabona? Ba kali banakazi. Pele, mwabona, eco caka tubamba lino, mwanakazi ujisi ii—ii giland, giland lya bukaintu, elyo muntu ujisi giland lya bweenze, ndya kuzyalila bana. Okuya tali kabi. Boonse baya kuba giland yomwe pele ba cinooli mu ciwa. I cinkozya canyika eco ncoba kayumuna awa ciyooba okuya, pele taku kabi cibi. Muli bomwe nyoonse. Takukabi limbi bana bayo komezegwa okuya. Mwabona? Mbo mbubo. Koonse kuya kuba boobo. Elyo aboobo Nda kalanga, a banakazi aba.

<sup>127</sup> Elyo baka ndibweza. Aba bakwesu baka ndibikkha aa busena. Nda kati, “Nkaambonzi mwacita cecici?”

Wa kati, "Mu nyika wakali musololi." Elyo kati—elyo kati, "Yebo...Aba mbantu."

<sup>128</sup> Elyo kwakali mwanakazi umwi wakayutuka. Waa kati, "Mukwesu wesu muyandisi." Mwanakazi mubotu loko!

Cindi nakainda ambali, eli Jwi lyakaleka, kati, "Sena tomu yeeyi?"

Nda kati, "Peepe."

Kati, "Wa kamusololela kuli Kristo cindi nakaindide makumi ali fuka. Wabona? Sa tokonzyi kubona kaambo nca ambila kuti 'mukwesu muyandisi'?"

Nda kati, "Ee, sena—sena ula unka..."

Kati, "Peepe. Tula lindila awa."

Nda kati, "Ee, ikuti na Nda ka zabuka, Ndi yanda kubona Jesu."

Kati, "To konzyi ku Mu bona lino. Olu Ndugwalo, kati, 'Myuuya kunsi lya cipaililo.' Walo atalatala buyo aniini. Buzubatumwi Uyo bweeda. Tuyo jokela ku nyika. Ta tulyi na kunywa awa."

<sup>129</sup> Nda kati, "Nywebo mwaamba kuti Nda kali kuyoowa ceeci? Baa, eci..."

Taakwe bbala lya kubeleya ku caamba, beenzuma. "Kwalo kulondoka," inga tee—tee kwa kuguma, "kubotelezya loko." Kwiina bwambe bwa mabala a Chikuwa obo Mbwe zyi, taakwe bbbala pee, likonzya kusola ku cipandulula kuti ncinzi. Cila indilila ku cintu cili coonse eco Nce zyi. Ngooyo mbwa kabede. Kwakanyina malwazi, taakwe kuusa. To konzyi kufwa. Inga tokonzya kubisya. Bwa kali bulondosi ncobeni, bulondosi ncobeni. Beenzuma, ta mweelede, ta mweelede ku ciimpya. Amuyeeye.

<sup>130</sup> Elyo cindi Ne kali mulombe muniini, Nda kabona cilengaano ca gehena, mbuli mulombe muniini. Elyo mulizi obo balindu, sunu, na banakazi (mulindu inga tacita cintu mbuli ceeco), kupenta meso abo mbuli umpe, na cintucimwi mbuli ceoco, ezyo zintu zya bbulu kunsi lya meso abo. Nda kacibona eco. Nda kali kubbila. Mbuli mulombe muniini, Nda kadubulwa, alimwi Nda kali lede, nkefwa mu cibbadela. Elyo lyoonse Nda kalizi kuti kwakali Leza.

Nda yeeya mupailo mutaanzi Ngwe kasola kukomba. I cintu biyo Nce konzya kwaamba... Nse—Nse kali caamba eci. Ndi limvwa buyo kuti Ndila caamba ndyoonya lino. Nda kadubulwa, nkelede alya, nkefwa mu muunda. Elyo kukombelezya buyo oko Nkwe kakonzya kucita kuli Leza, Nda kati, "Yebo ulizi, Mwami, Nsena citide bumambi." Mwabona? Mbuli mulombe, muniini mukubusyi wakali kutandila myaka ili kkumi ayosanwe yakukomena, Nda kasola kupona kabotu. Elyo Nda kati, "Nda

kapona cakusalala.” Elyo nku koonse Nkwe konzya kwaamba. Eco nce ceelelo coonse Nce konzya ku Mu pa.

<sup>131</sup> Elyo mpa wo nkelede awo, mpa wo, cindi dokotela nakacita kweenda kuzwa kuli ndime, elyo Nda kalimvwa kubbila mu Butamani bwa mudima, a kuboneka mbuli obo. Nda ongolweda bataata, “Oh, bataata, mundi gwasye.” Kwakanyina bataata okuya. “Baama, mundi gwasye.” Kwakanyina baama okuya. “Leza, ndi gwasye.” Kwakanyina Leza okuya. Tii kwakali kugola, kuyoosya, oh, kucitikilwa kubbi kwa masiku! Gehena, iyaka kusuka inga tee kwaba kubotelwa, kuba kumbali lya ceeco. Elyo kuwa kwiinda omuya, Nda kayeeya, “Oh, ma!” Alimwi a alimwi, mbuli *boobu*. Nda kanjila mu busena, bwa busi, a kusiya, a kuciswa. Elyo, oh, kulimvwa kuli *boobo*! Lwakali lufu ali ndime.

Elyo Nda kakonzya kubona banakazi abo kaba boola kuli ndime, a misyobo ya meso apentedwe mbuli *boobo*. Lino amuyeeye, eyo yakali myaka ili makumi one ayosanwe yakainda, kutandila myaka ili makumi one yakainda, nekuba. Kuunka, bakali kuyabuya, “Oooh! Oooh! Oooh!”

Nda kati, “Sa Nde elede kuba okuya kwalyonse?”

“Kwalyonse.”

<sup>132</sup> Nda kati, “O Leza, ikuti na Ula ndilekela kuzwa awa, Nse—Nse—Nse ka fwibweeme kuli Nduwe alubo. Nse kafwibweeme. Leza, akaka kondipa coolwe.”

I cintu citaanzi mulizi, Nda kalimvwa lwangu kujokela. Elyo dokotela waka libilika, nkaambo moyo wangu wakali kuuma buyo ziindi zili kkumi aciloba mu miniti. Nda kazwa bulowa bwangu boonse a zintuzyonse, kali lede mu bulowa bwangu bwini. Elyo Nda kalibuzya, buzubabumwi ciyo citika?

<sup>133</sup> Kutandila myaka yobile yakainda, cindi ni Nda kalongela ku Tucson, Nda kali a mukaintu wangu kumusanza ku J. C. Penney. Nda kali kkede alya mbuli *boobo*, alimwi a mutwe wangu kaugogomene, nkelindila. Nkaambo, nywebo mulizi obo, balindu, ba tola ciindi cilamfu kuulaula zintu. Elyo Nda kali—Nda kali kkede alya, mutwe wangu kaugogomene mbuli *boobu*. Elyo cikwepe cakali kuboola. Elyo mpaawa kwaboola bamwi banakazi, a bubambe bwa masusu mbuli atala lya meenda, nywebo mulizi, mbuli mbo bacita, mbuli *boobo*. Kuboola a meso aakali kuboneka kupertwa mbuli obo. Elyo bakali kwaambaula ci Spanish. Alimwi eco ncencico. Calo coonse (cilengaano) cakaloolola alubo. Nceeco mbo cakabede, “Oooh! Oooh!”

<sup>134</sup> Mukwesu, mucizi, andi kwaambile cintucimwi. Inga caboneka bweenzu lino, pele lomwe wasika okuya. Neintu cisinizizye. Muta kainki mu nzila eyo.

<sup>135</sup> Mebo, mbuli mudaala, mukutausi, Nda kakambauka ku inyika yoonse, kajana beenzuma bali mamillioni, pele Ndi lizi

Nde elede kuya kwiima a nduwe kutala. Amuzwe ku zintu zya inyika. Elyo ikuti na kuli cintucimwi muli nduwe, cakuti uciyanda kucita nzila njo lilemeka, ikuti na ujisi zintu zya inyika muli nduwe, koyeeya, toli wa Leza. Uli membala buyo wa mbungano, kusikila kwiitwa oko; kuvuumma oko, kwiitila Kuvuumma. Mwabona?

<sup>136</sup> Mbali, kakutanaba kayambyo kusule lyu nswi, kwa keelede kuba maanzi akuti kai yambilamo, lutaanzi, nape nata niya takaba akayambyo.

Kakutanaba i—i musamu wa kukomena mu nyika, kwa keelede kuba nyika, nape nikwa takaba musamu lwaku komezya muli njijo. Ni kwaataba kambo ka musamu, a kuubamba kupona antomwe.

<sup>137</sup> Kakutanaba bulenge, kwa kweelede kuba Mulengi. “Bali acoolwe abo bafwa nzala a nyota ya bululami.” Mwabona? Kuli cintucimwi muli ndiswe. Wa tambika janza lyako kaindi kainda, “Ndi yanda kunji kwa Leza.” Wabona? Kuli cintucimwi cibulide.

Elyo ikuti na uyanda inyika, kuunka nzila eyo, zintu zya inyika, kweenda kwa inyika kuya kuunka, alimwi mukuwa uya kuba. Wabona? Amuzwe. Muli bana balombe abasimbi iba Mwaami, i Mwaami. Mube balindu a balombwana. Kweenda mbuli Banakristo. Kupona mbuli Banakristo. Kulilemeka mbuli Banakristo. Amuyeeye, Ndiyo muswaana ku Mungwala wa Lubeta a bukanazi obu. Mwabona?

<sup>138</sup> Amulange mu ciboniboni canu, sunumasiku, a kubona. “Njiili nzila Nje tozya? Sa Jesu undi bambila busena bwangu, mibili? Oyo mibili uli londokede. Oyo mibili weenda munzila iluleme. Walo mwana mulombe na mwanamusimbi kumbele lyu Leza. Elyo Ndili mu macise aakuzyalwa *omuno*, kuti ndi zyalwe mu mibili oyo okuya. Ikuti na Ndi ciyanda inyika, cindi tondenza kuti (Nseli obo) Nse jisi mibili okuya. Ndili membala buyo wa mbungano. Nse kali mbuto ya Leza. Nseli obo. Tali Taata wangu.”

<sup>139</sup> Wa kati, “Ikuti na to konzyi kwiiminina kukomwa,” nko nkuko nkoya buba lino, “mpawo muli bana bamusyokwe, a kutali bana ba Leza.” Sa mbo mbubo? [Mbunga yaamba, “Mbubo.”—Mul.] Sena Bbaibbele lyaamba boobo? [“Ameni.”]

Ikuti na tokonzyi kwiiminina kukomwa kwa Leza, cindi wabona Lugwalo kalu kululamika, elyo yebo wati, “Oh, Nse yandi kumvwa Zintu ezyo. Ndili—Ndili Munakristo. Ndi cita ii...” Yaa. Ko zumanana. Wabona? Bwalo mbumboni bomwe ncobeni kuti toli mwana wa Leza.

Pele mwana wini wa Leza ufwa nzala a nyota. Nkaambonzi? Ikuti na kuli Cintucimwi mu moyo wako, cikwaambila kuti ula ciyanda, nkabela ciyandikana kuba alya, citondezya kuti kuli Cintucimwi ciduntaana, kusoleka ku kukwelela aalya. Kuli

mubili okuya, oyo *umwi* ngo musyobo wa waawa. Ino ubelesya nzi oyu umwi, ku kulemya dyabulosi a inyika, a mafashioni a zintu? Sena ulangide kutozya ku Julu, kuli cintucimwi kutala okuya, sa ulalemya Leza kubelesya buumi bwako?

*Mu ng'anda ya Taata wangu kuli makkalilo manji:  
ikuti ni kwaatali booboo, ni Nda kamwaambila. Elyo Njo  
unka a kuyo mubambil busena.*

*...a kuboola alubo, kuzo mutambula kuli lwangu;  
kuti oko Nkwe bede, a nywebo mukabeko.*

<sup>140</sup> *Zintu Ezyo Zyeede Kuba.* Ezi zintu zilikor lino, zili biyo mu kukonzya, kwiitila zintu zyeede kuba.

Atu kombe.

<sup>141</sup> Amuyeyeye cakusinizya. Sa mula cita na, beenzuma bayandwa Banakristo? Amuyeyeye cakusinizya loko, asyoonto buyo. Atu batame ncobeni asyoonto buyo. Amulekele Muuya Uusalala ukanane.

Lino, Mwami Jesu waka ndituma kuli ndinywe nobantu ba Pentekoste, kaindi loko. Ngooyu umwi wa balombe banu abo baboola kuba mweembeli wanu, kati, "Wa kabuka kuzwa ku mulimo." Wa kabona Mwami Jesu kajula meso aboofu; "kubamba," wa kati, "minyinza ya milonga ya yuminina." Ndi cijisi miswaangano ya kuponya. Pele Nda mvwisya kuti Nda kakombela bantu banji abo bacisidwe loko. Ba kaponesegwa. I Mwami wakaingula mupailo, a kuponya baciswa. Pele, nywebo mulizi, bamwi bantu abo, baka ponesegwa, ba kafwa kale. Elyo takukwe makani obo mbo cisidwe, ikuti na waponesegwa, uyo fwa, nekuba.

Pele buntu obo, mukwesu wangu tuyandisi, buntu obo, mucizi wangu tuyandisi, sa toko yeeya kujatikizya mbubo lino? Obo Mbutamani. Ikuti na olo luyandisy iwa Leza talumo omuya, taakwe cintu cikwela, sa inga tolomba Leza kuti, "O Leza, kondi talisa, cabupya, sunumasiku. Nda Ku yanda, Mwami. Ndi yanda Ku kuyanda. Elyo cintucimwi mu moyo wangu cila ndaambila kuti Nde elede kupona munsi loko kuli Nduwe. Ndi yanda kuboola, ndyoonya lino, Mwami, a kucita ceeco"? Ikuti na mutnu oyo na bantu bali mu buyake obu na aanze lya buyake obu, Nda kulomba, mbuli mulanda wa Kristo, mu Zina lya Jesu Kristo, sa ula cita, a mutwe wako kuukoteme, tambika janza lyako kuli Leza a kwaamba kunji boobu, "Leza, kondi swenya munsi loko, munsi loko, oyandwa Leza. Ndi yanda kweendelana a zintuzyonse Nzo jisi mu Ijwi Lyako"? Amu tambike maanza anu. Lino amu syomeke buyo ncobeni. Amuyeyeye buyo.

<sup>142</sup> Lino, ba lati, "Oh, Nda kacita ceeci. Nda, Nda kaongolola, Muuya. Nda kaambaula mu myaambo. Pele, langa, kuli cintucimwi cibulide mu buumi bwangu. Ndi langa mu

ciboniboni ca Ijwi lya Leza, Ndi lizi kuli cintucimwi. Nda unka ku cikombelo, pele Nseli obo Mbwe elede kuba.” Mwabona? Eco citondezya calo, cintucimwi.

Lino, ikuti na wakonzya kulilanga omwini a kubona kuti to endelene kabotu a Ijwi lya Leza, elyo kunyina cintu omuya cita kupe kutambika janza lyako, mpawo ulizi kuti kuli cintucimwi cilubide. Uli jisi. Kuli... Baama bakali kunga baamba kuti, “To konzyi kujana bulowa kuzwa kuli ntinde, nkaambo kwiina bulowa muli nguwo.” Mwabona? Amu ciyeeye, cakusinizya loko. Eci inga caba ciindi canu camamanino. Maanza ali makumi otatwe, makumi one atambika, eyi nkamu niini awa, nokuba ku bapaizi.

<sup>143</sup> Amubatame buyo maningi asyoonto buyo. Lino amuyeeye cigaminina ncobeni. “Oyandwa Leza, inga Nda jaigwa, sunumasiku, mu ntenda. Inga ndafwa mu kulwanwa kwa moyo. Bumwi bwa mafumo aya, Nja kwiita dokotela, nkabela uyo boola, nkabela kuduntaana kwangu kwansinga zyuma kusika mukati; Nda fwa. Nda bikka masaya angu ku mapilo, kwiita kuti, ‘O Leza! O Leza! O Leza!’” Mwabona? Oyo moyo uli mukubamba kuuma kwawo kwa mamanino. Uboola ku Mulyango oyo mupati. To kazwi citakuti wazyalululwa ku Muuya wa Leza. To kazwi citakuti kuli cintucimwi muli nduwe, wamana kuzyalwa ku Muuya wa Leza, kufwa nzala a nyota ya kuzumanana a Leza. Yeelede kuba. Mwabona? Uli mwana mu nyika, mu mala aa nyika, uci lindila kuzyalwa mu Bwami bwa Leza, oko Nkwa kaunka kuyo kubambilila mubili umbi, oyo mubili uulondokede.

Lino yeeya cakusakana loko, elyo atu kombe antoomwe.

<sup>144</sup> Oyandwa Leza, mbuli mbo Ndi zyi kuti eci cabikkwa mu Bbuku, Bulunguluzi bupati! Twa kalubizya muli sayaansi, Mwami, kunji kwa kutu sinsimuna, ku tuisimpe twa kuziba bweende bonse butubamba kweenda konse a konse ku nyika, cindi comwe twa kubamba. Tuli jisi eco kwiinda mu televizhioni. Tula mvwisya, Taata, kuti televizhioni taipangi cifwanikiso pe, iinzya buyo i—i kunzwiima mu kapila ako kapanga cifwanikiso. Nouba mubala wa zisani oyo ngo tu jisi, ula tondezegwa kwinda mu etha wevisi ya luwo, oko kunzwiima koonse ku inyika. Mpawo mbobuti bacizi besu mbo basama zisani, kulilemeka mbuli boobo, a kutafwa nzala akwalo; masyu apentedwe, kugela masusu?

Bakutausi abo banga baunka ku lwiyo lwabukombi, seminari imwi, “Elyo kubweza zintu zya ijwi lya muntu, eco cibamba, kwiinda ku tunsiyansiya twabo, kubamba milao ya Leza kubula nguzu aa bantu, ku tunsiyansiya twabo,” kwaamba kuti beeleder kuzulilwa ku mbungano, nkabela kwa mana.

O Leza, sena bala mvwisya kuti ijwi lyoonse ndyo twaamba, kutondezegwa munzila yasayaansi, lili mu bulunguluzi? Elyo

cila talika cindi twa talika kupona mu nyika eyi. Cilagola cindi twafwa, alimwi cila bikkwa mu alubbamu ya Leza, kuti ikalizigwe alubo ku Lubeta.

Mbobuti mbo tuyo kuloboka, lunyonyooko lwa Leza, ikuti na cintu cabambwa antangalala kumbele lyesu elyo nekubaboobo twa Ci kaka?

O oyandwa Leza, aya Majwi tafwi. Ala zumanana aku zumanana. I bulunguluzi buya kulizigwa ku Buzuba bwa Lubeta. Mwa abona maanza ayo atambikwa, Taata. Ayooba nkoonya okuya ku Buzuba bwa Lubeta. Akwalo, eco moyo wabo nco wakali kuyeeya, kuyooba okuya ku Buzuba bwa Lubeta.

<sup>145</sup> Lino, Taata Leza, Nda Ku lomba, mbuli mulanda Wako, Nda komba kuti Uyo gwisyia milandu yoonse kuzwa ku bantu Bako. *Milandu*: cintucimwi nco tuzyi kuti tweede kucita, nkabela tatu cicit. Davida wakati, “Ikuti na Nda cita milandu mu moyo wangu, Leza taka ingula mipailo yangu.” Nda komba, Leza, kuti Ula bweza milandu yesu, nkaambo Ijwi nciboniboni Cako cakulangila citondezya obo mbo twa kalela kuba bana balombe abasimbi iba Mwaami. Taata, Nda komba kuti Uyo cicita, sunumasiku.

<sup>146</sup> Elyo kubamba cipaililo eco, nkaambo cipaililo cizwide bantu bakkede. Elyo kubamba cipaililo eco, omuya mu cuuno omo mobakkede, kubamba myoyo yabo kuba cipaililo. Akube kuti inyika izwe ku mukwesu a, mucizi onse omuno. Elyo akube kuti eyo mbuto niini ya Buumi, jiini ya Leza eyo njo twazwaa kwaambaula, obo bube bwaka seluka kuzwa kuli Leza, alimwi bwaka yubululwa awa ku lulemeko a kulemya Leza. Leza, kogwisya inyika kuzwa kuli ceeco.

<sup>147</sup> I bamwi, Nse konzyi kukomba, Mwami, nkaambo “malwazi nga lufu,” elyo kwiina cintu awo cibapa kuti beende. Pele abo bakonzya kweenda, a kuziba kuti cili lubide, kosalaazyia myoyo yabo a buntu bwabo, sunumasiku, Taata. Elyo akube kuti bazuzigwe Muuya Wako, kweenda mu Mumuni Wako.

<sup>148</sup> Longezya oyu mweembeli, uyandwa, mukubusyi, wanseba mbotu, uboneka kuyuma awa, Mwami. Oyu mwaalumi mukubusyi, woongelezegwa, wa kati, kuli ceeco ncaka Ku bona kocita. Oyu mwaalumi mukubusyi mubotu, O Leza, bamba buntu bwakwe kusuka mulilo. Ko cipa, Mwami. Akube kuti abe mweembezi wini, cakuzumanana, ciindi coonse, kusanina butanga obo Muuya Uusalala mbowa kamubambilila kuba mulinguzi wabonse. Ko cipa, Mwami. Akube kuti ata nyone ku lulyo na lumwensi, taakwe nzila ya kwiinika kayanza kabuzumini, taakwe cintu cimbi cita Ijwi lya Leza linjoloma linozwa ku mulomo wakwe, alimwi Eelyo luzutu. Ko mulongezya, Leza, walo a bayandwa bakwe, a mbungano yakwe niini awa. Koba ambabo boonse, Taata.

<sup>149</sup> Nda tuula eci kuli Nduwe, Taata. I Mbuto yabyalwa. Akube kuti Iwide aa lunyungu elo lwakasalilwa Buumi, a kukomena kuba Banakristo, bapati bayumu ku mbunga eyi okuno, a mbunga zimbi oko nkoba kazwida. Ko cipa, Mwami. Nda cituula kuli Nduwe, mu Zina lya Jesu Kristo, Mwana wa Leza.

Elyo, Taata, “Wa kayaswa nkambo ka nsotoko zyesu, kacuzaulwa nkambo ka milandu yesu; kukomwa kwa luumuno lwesu kwakali ali nguwe; elyo ku mibunda yakwe twa ka ponesegwa.”

<sup>150</sup> Nda kabona kweenda ku mulyango, ziindi zisyoonto zyainda, mwanakazi mucete ulibilika. Elyo, O Leza, mu mukwasyi wakwe wini, zintu zipati zya kacitwa, nzila Mbo kaliyubulula Omwini! Nda kombela, Leza, mwanakazi oyo. Kogwisya zyoonse zyakaindi, zya buumi, Mwami, a kumuponya sunumasiku. Sa Ula cita, Mwami? Ko mutola kuli Nduwe.

<sup>151</sup> Wa kubona, bana baniini bali kkede awa, Mwami, kabayanda kuponesegwa, bamwi. Nda komba kuti Uba ponye, Taata. Ko cipa. Akube kuti nguzu Zyako zipati zyakuponya ziboolie a kutu ponya, buntu a mibili.

<sup>152</sup> Elyo lino, kuli ndinywe lino nomuli mu mbungano omuno, na aanze, abo bayanda kuponesegwa, Ndi yanda kuti utambike janza lyako, kwaamba, “Ndi yandikana kuponesegwa, Mukwesu Branham.” Kuboneka mbuli kuti bantubonse balacita. Yaa. Sa mula ndisyoma kuba mulanda wa Kristo? Amwaambe, “Ameni.” [Mbunga yaamba, “Ameni.”—Mul.] Mpawo, Ndi yanda kuti mubikke maanza ali umwi aumwi. Amu bikke buyo maanza anu atala lya umwi aumwi. Mwa tambika maanza anu, omo mukati na aanze, amu tambike maanza anu, kuti muli basyomi muli Leza.

Jesu Kristo wakati, kulailila Kwakwe kwamamanino ku Mbungano, “Kamuya mu inyika yoonse, akuyo kambauka Makanimabotu ku bantu boonse. Oyo usyoma... Oyo usyoma a kubapatizingwa uyo futuka. Oyo utasyomi uyo zulwa. Nkabela ezi zitondezyo ziyo batobela abo basyoma; mu Zina Lyangu bayo tanda madaimona; bayo amba mu myaambo mipya; ikuti na bajata nzoka na kunywa zintu zikola, ta zika bakoli pe; pele, elyo ikuti na bayo bikka maanza abo aa balwazi, bayo pona.” Lino, Jesu wakaamba booboo. Amuyeeye, Wa kaamba booboo. Eco ceelede kuba. Na takaamba ceeco citakuti kwakali kuyooba muntuumwi wakali kuyo konzya kujata Ijwi eelyo.

Mbuli buyo zyalilo lya Mariya mbolya kakonzya kujata mbuto, “Ii nakalindu uyo mita.” Mbuli samu lya palumu mbo likonzya kulengwa, samu lya mubanga aa cilundu, Ijwi Lyakwe lyaka cicita.

Ijwi Lyakwe inga lya jata mu moyo wako ndyoonya lino. “Ndili musyomi, Mwami. Oyu mwaalumi na mwanakazi Ngwe bikkide maanza angu, bala ciswa. Ta ndili pailili. Nkaambo,

bali mukundi kombela. Ndili muku mukombela, na nkambo ka nguwe. Elyo, O Leza, komu ponya, komu ponya. Elyo Ndili musyomi, alimwi lino tuli bungene. Twa zwaal kuyisigwa kuti twa kali a Kristo cindi Na keenda aa nyika, nkambo tuli cibeeala ca Ijwi Lyakwe. Twa kapenga a Nguwe. Twa kazwa malowa a Nguwe. Twa kafwa a Nguwe. Twa kazikkwa a Nguwe. Twa kabuka a Nguwe, alimwi tuli kkede antoomwe mu masena Aakujulu muli Kristo Jesu. I Mwaami mupati ukkede awa akati kesu, alimwi Ndili mwana mulombe na mwanamusimbi wa Mwaami oyu. Elyo Ndi jisi janza lyangu kalibikkidwe aa mwana mulombe na mwanamusimbi wa Mwaami, oyo undi kombela, nkabela Ndi bapailila. Lino, Mwami, koingula mupailo wangu, a kuponya mwana oyu wa Leza na mwana oyu musimbi wa Leza.”

Antoomwe, atu paililane lino kuli umwi aumwi.

<sup>153</sup> Mwami Jesu, twa boola cabubombe, ka tulyaambilila bulubizi bwesu. Twa boola, ka tulyaambilila kuti tweede ku kuba akusicwa a lufu, a buusu, pele tu tambula mulungo Wako wa zibi zyesu a kuciswa kwesu. Elyo, sunumasiku, aba bana balombe abasimbi iba Leza, bakkede awa, bakumvwa kululamika kwa Ijwi, a kutambika maanza abo, a kuyanda kuba a kweenda kwa munsi loko. Ba bikka maanza ali umwi aumwi lino nkaambo bala lisyoma Ijwi Lyako kuba bwini. Ba syoma kuti twa buka a Kristo lino, katukkede mu masena Aakujulu a Nguwe. Bali jisi maanza abo ali umwi aumwi, kaba kombelana umwi aumwi.

Wa kati, “I mupailo wa lusyomo uyo vuna mulwazi, nkabela Leza uyo mibusya; elyo ikuti na wa kacita cibi cili coonse, ciyo jatilwa kuli nguwe. Mulyaambe zibi zyanu kuli umwi aumwi, mukobelane umwi aumwi, kutegwa uponesegwe. Ku kukomba kusinizizye kwa mululami kuli jisi nguzu.” O Leza Uutamani, kovuwa mupailo wa balanda Bako.

Elyo lino, kuli lembedwe alubo, “Ikuti na bantu, abo bakaitwa ku Zina Lyangu, bayo libunga antoomwe, a kukomba; mpawo Njo mvwa kuzwa ku Julu.” O Leza, kovuwa mupailo wa bana Bako sunumasiku, kuzwa ku Julu. Kotuma ansi Muuya Uusalala aa nkamu eyi ya bantu, mbuli guwo lyuungisya canguzu. Alimwi twa leta bantu aba kunembo lya Leza.

<sup>154</sup> Saatani, wa zundwa. Uli cilenge cakazundwa. Jesu Kristo waka kuzunda aa Kalivari. To jisi nguzu. Uli sikukonga. Twi ita janza lyako, sunumasiku. Mu Zina lya Jesu Kristo, kozwa mu bantu aba awa, yebo okuciswa a malwazi. Elyo akube kuti baunke, cakwaanguluka, mu Zina lya Jesu Kristo, Mwana wa Leza.

<sup>155</sup> Aleluya! Amumvwe bulemu bwa Leza! Amumvwe mupailo wanu waingulwa. Ula syoma na kuti Leza wakaingula muntu uukkede munsi lyako? Mbangaye ba cisyoma? Amu tambike

maanza anu. [Mbunga yakkomanā—Mul.] Mpaawo we. Oh, ncibotuloko!

Nda Mu yanda, Nda . . .

A maanza anu mujulu lino, amu yiimbile Nguwe, a moyo wanu oonse.

Nkaambo Wa kasaanguna kuyanda . . .

Sena ula cikanza, a moyo wako oonse lino?

<sup>156</sup> Mbangaye banu balimvwa kuti Leza wajatila milandu yanu, zintu nzo mwakacita? “Elyo kuzwa busiku obu kuyabuya, O Kabelele wa Leza, Nda syomezya kweenda cakululama. Njo enda mu lulemeko lwa Zina eelyo Nde itwa, kuba Munakristo, buumi buli mbuli Kristo. Njo tambika maanza angu, Leza. Nda lipa lwangu cabupya kuli Nduwe, sunumasiku. Njo enda mu Mumuni.” Ameni.

Tuyo enda mu Mumuni, Mumuni mubotu,  
Amubooke oko madosi amume wa luse nkwa  
balama;

Kutu mwekela toonse, masikati a masiku,  
Jesu, Mumuni wa inyika.

Tuyo enda mu Mumuni, Walo Mumuni mubotu  
boobu,

Uzwa oko madosi amume . . . (Oko Nkwa  
kaunka kuyo tubambilu busena.)

Kutu mwekela toonse, masikati a masiku,  
Jesu, Mumuni wa inyika.

Amubooke, nyoonse nobasalali ba Mumuni  
amwaambilizye,

Jesu, Mumuni wa inyika;

Bwini a luse mu Zina Lyakwe,

Jesu, Mumuni wa inyika. (Ino tula cita nzi  
mpawo?)

Tuyo enda mu Mumuni, Mumuni mubotu  
boobu,

Uzwa oko madosi aamume aa luse  
nkwalabala;

Kutu mwekela toonse, masikati a masiku,  
Jesu, Mumuni wa inyika.

Oh, sa tamuli mvwide ku kumbwa koonse, kulimvwa kabotu?  
Oh, ma! Atu sukane maanza, mbuli mbo twiimba alubo.

Tuyo enda mu Mumuni, Mumuni mubotu  
boobu,

Uzwa oko . . . (Leza aku longezye,  
mukwesu.) . . . wa luse lumweka;

Kutu mwekela toonse, masikati a masiku,  
Jesu, Mumuni wa inyika.

Atu jale meso esu a kwii ng'ung'una. [Mukwesu Branham wang'ung'una yakuti *Jesu*, *I Mumuni Wa Inyika*—Mul.] Tuyo lilemeka mbuli bana. Tuli bana.

Oh, walo Mumuni mubotu boobu,  
 Elyo Uzwa oko dosi lyamume wa luse nkoli  
     mweka;  
 Oh, kutu mwekela toonse, masikati a masiku,  
     *Jesu*, Mumuni wa inyika.

Sena mula Mu yanda? [Mbunga yaamba, “Ameni.”—Mul.]

Lusyomo lwangu lulanga kuli Nduwe,  
 Yebo Kabelele wa Kalivari,

Amu jale meso anu a kuyimba. Mukombe mu Muuya.

Mufutuli Wabuleza;  
 Lino kondimvwa kuciindi ne Ndi komba,  
 Gwisya zibi zyangu zyoonse,  
 O ndileke kuzwa buzuba obuno  
 Kuba Wako cakumaninina!

Kuciindi Ne enda mu buumi bwabube  
     bwatuzila twa musinze,  
 Elyo mafwabi kandi bungilila,  
 Oh, koba Mweenzyi wangu;  
 Lailila mudima kuba isikati,  
 Kogusya buusu bwa buyoofu kumaninina,  
 Tandi lekeli kusola kuleya  
 Kuzwa kuli Nduwe kumbali.

<sup>157</sup> Oh, ma! Ndi lizi Ndili mulombwana waciyanza cakale. Ndila yanda . . . Ndi yeeya oko kujisi kupya, kulila kwa kulikozyanisya kwa kagonkwa, kwa fandago kuliyuumba buiini, mamaiale ali milioni. Balo basikuyabilo ba kalemba inyimbo, Muuya Uusalala waka guma peeni eyo, katalika kulemba. Oh, ma! Ndi yeeya zya Eddie Perronet a boonse babo; bapati! Fanny Crosby: “Uta ndiindi, O Mufutuli wabuuya, komvwa kulila kwangu kubombede.”

<sup>158</sup> Ciindi cimwi bakali kusola ku mucitya. Ta kacita—ta kacita mbuli muna Pentekoste Elvis Presley, kusambala upati bwakwe bwakuzyalwa ku musinza wa ma Cadillac. Waa . . . Kaboola kuli nguwe a kuyanda kuti alembe—alembe inyimbo zyanyika. Waa kati, “Inga nsecicita, nkambo ka cintu.”

Kati, “Baa, uli moofu. Cindi waasika ku Julu, mbobuti mboya ku Mu ziba?”

Waa kavuuluka, bunanike, aboobo waa kati:

Ndi yo Mu ziba, Ndi yo Mu ziba,  
 Alimwi Nda kanununwa ku bbazu Lyakwe Ndi  
 yoima;  
 Ndiyo Mu ziba, Ndiyo ziba (Buti?)  
 Ku nembe zya mpikili muli Bwakwe...  
 (Bumbi, "Ikuti na Nse Mu boni, Njo limvwa  
 janza Lyakwe.")

Ndiyo Mu ziba, Ndiyo Mu ziba,  
 Alimwi Nda kanununwa ku bbazu Lyakwe Ndi  
 yoima;  
 Ndiyo Mu ziba, Ndiyo Mu ziba  
 Ku nembe zya mpikili mu janza Lyakwe.

<sup>159</sup> Sena taci mubambi ku Mu yanda? Kaunka kuyo tubambilila busena! "Elyo ikuti na Nda unka akuyo bamba busena, Ndiyo bweeda alubo, kuzo mutola kuli Lwango."

<sup>160</sup> Bana baniini mu kutongela lino, muswiilile lwabili ku milao ya Leza. Elyo mweembeli, okuno, ikuti na taakwe wanu waka bbizigwa, maanzi ala bambwa. Elyo—elyo bumembala bwa mbungano, na kufumbwa nco yanda kucita, na kufumbwa, ko cicita. To jisi lubbizyo, Muuya Uusalala, obu mbusiku bwa Kuu tambula. Sa tamu syomi obo? [Mbunga yaamba, "Ameni."—Mul.]

<sup>161</sup> "Oh," yebo wati, "Mukwesu Branham, ciindi camana. Wa kakambauka kwa ciindi cilamfu."

Paulo wakakambauka busiku boonse, busiku bumwi, musyobo oyu nguwenya wa Mulumbe. Elyo muniini... Ii mwaalumi mukubusyi wakawa kuzwa ku bwaanda a kulijaya mwini. Elyo Paulo, kananikidwe loko a musyobo oyo nguwenya wa Mulumbe, wakabikka mubili wakwe ali nguwe, nkabela buumi bwaka jokela muli nguwe. Walo ucili "Jesu Kristo mbobuca nguwenya, sunu amuya myaaka."

Sena mula Mu yanda? [Mbunga yaamba, "Ameni."—Mul.] Atu buyo, acimbi ciindi, a maanza esu mujulu, "Nda Mu yanda. Nda Mu yanda."

Uli kuli sipiyaano? Okuya, ikuti na ula konzya, mucizi, kufumbwa na nguni. Kotupa bulile buniini, ikuti na ula konzya.

Mbangaye ba Mu yanda? Tambika janza lyako. Kwaamba, "Nda Mu yanda ncobeni. Nda Mu yanda buya, a—a moyo wangoonse. Nda Mu yanda."

<sup>162</sup> Lino atu yiimbe buya, ku bulemu bwa Leza. Lino, a meso esu kajalidwe, maanza esu mujulu ku Julu, "Nda Mu yanda. Nda Mu yanda." Tula komba. Cindi wa kambauka, a kutenda, a kuzapaula, a kukwela mbuli boobo, eli ndi bbona Leza ndya tila mukati, kaponya ncobeni. "Kuli Bbona mu Giliadi, iya buntu." Atu yiimbe eno. Kotupa bulile.

Nda Mu yanda, Nda Mu yanda  
 Nkaambo Wa kasaanguna kundi yanda  
 A kuula lufutuko lwangu  
 Aa cisamu ca Kalivari.

<sup>163</sup> Elyo ikuti...“Eci bantu boonse bayo ziba kuti muli basikwiiya Bangu, cindi mwano jisi luyandisyo, umwi kuli umbi.” Mbo mbubo. Ikuti na ta tukonzyi kuyandana abaabo mbo tubona, mbobuti mbo tuya kuyanda Leza Oyo ngo tu takonzyi kubona?

Nda Mu yanda,

<sup>164</sup> [Mukwesu Branham wakanana ku mukwesu aa cibumbili—Mul.] Leza aku longezye. [I mukwesu waamba, “Mukuba okuno sunumasiku mbulemu ncobeni kuzwa ku Julu.”] Nda kulumba, mukwesu. [“Ncibotu loko.”] Lino, Ndi yeeya kuti mbungano, imwi aimwi, ya yumisigwa. Tee mwacita? [“Iiyi. Nincobeni.”] Leza aku longezye, Mukwesu Boone. Nda pa mbunga kuli nduwe. Leza aku longezye. 

*ZINTU EZYO ZYEELEDE KUBA* TNG65-1205  
(Things That Are To Be)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munondo mangolezya, Nalupale 5, 1965, ku First Assembly Of God mu Rialto, California, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)